




山海經二

~~仁記~~  
~~484~~  
~~5976~~

□ 13  
484  
76



484  
76

山海經第三

晉 記 室 參 軍 郭 璞 傳

支那  
支那

長壽寺都察院都御史巡撫陝西等處樊贊墾務兼理糧餉欽賜品級畢沅新校正

北山經

北山經之首曰單狐之山多机木

机木似榆可燒以糞  
稻田出蜀中音飢沉

曰藏經本  
作音几

其上多華草澧水出焉

逢音而西流注于泐水

沉曰說文云泐澤在昆侖  
下漢書西域傳云鹽澤

其中多芘石文石

又北二百五十里曰求如之山其上多銅其下多玉無

草木滑水

作滑水沉曰舊本脫注  
三字今从藏經本增入

出焉而西流注于諸

北  
27  
59

山海經第三

一

岷之水水出諸岷山也沅曰此與其中多滑魚作鱖魚沅曰說

文鱖魚名則作鱖是也舊本其狀如鱓赤背鱓魚似其

音如梧如人相枝梧聲食之已疣疣贅也其中多水馬其

狀如馬文臂沅曰文當牛尾臂前脚也周禮曰馬黑脊

敦煌渥洼水出馬以其音如呼如人

又北三百里曰帶山其上多玉其下多青碧有獸焉其

狀如馬一角有錯言角有甲錯其名曰臞疏音可以辟

火有鳥焉其狀如烏五采而赤文名曰鵠鳥上已有此

沅曰陸德明莊子音義引此作奇類以釋類是自為牝

牡食之不疽無癰疽病也彭水出焉而西流注于芑湖之水

其中多儵魚音由沅曰依義當其狀如雞而赤毛三尾

六足四首其音如鵲食之可以已憂

又北四百里曰譙明之山譙水出焉西流注于河其中

多何羅之魚一首而十身其音如吠犬食之已癰有獸

焉其狀如貍而赤豪貍豪豬也音丸沅曰爾雅云其音

如樗樗名曰孟槐可以禦凶辟凶邪氣也亦是山也無

草木多青雄黃一作多

又北三百五十里曰涿光之山囂水出焉而西流注于

河其中多鰓鰓之魚音袴褶之褶沅曰爾雅有鰓鰓郭云今泥秋非此也其狀如

鵲而十翼鱗皆在羽端其音如鵲可以禦火食之不痺

沅曰說文云痺勞病也其上多松柏其下多椶櫚其獸多麇羊其

鳥多蕃未詳或云即鴉音煩

又北三百八十里曰號山沅曰初學記引此作號山其

上多漆沅曰漆當為漆其下多桐楮桐梧也楮櫃木腫節中杖楮音裾其陽多

玉其陰多鐵伊水出焉西流注于河其獸多橐駝有肉鞍善

行流沙中日行三百里其負千斤知水泉所在也沅曰

史記橐駝字作橐佗古借馳字為之馳即駝字當為馳

其鳥多寓沅曰爾雅所謂寓屬也狀如鼠而鳥翼其音如羊可以

禦兵

又北四百里至于號山之尾其上多玉而無石魚水出

焉西流注于河其中多文具

又北二百里曰丹熏之山其上多檇柏其草多韭籬山皆

菜爾雅有其名沅曰俗本作薤省文多丹雘熏水出焉而西流注于棠水

有獸焉其狀如鼠而兔首麋身沅曰初學記鼠弟十引作麋耳其音如

獐犬沅曰初學記引此獐作噪以其尾飛或作髯飛名曰耳鼠食之

不脛脛大腹也見禪倉音采又可以禦百毒

又北二百八十里曰石者之山沅曰石者或當為根者其上無草

木多瑤碧泚水出焉

沅曰史記正義云山海經紫淵水出根者之山西流注河今經無此

山疑石者者字與者字相近紫淵即泚水當即是也地理志云穀羅紫澤在北西流注于河有

獸焉其狀如豹而文題白身題額也名曰孟極是善伏其

鳴自呼

又北百一十里曰邊春之山

或作春山多蔥沅曰疑此即蔥嶺亦穆天子傳

所謂春山也水經注曰河水一源出于闐北流與蔥嶺

澤又郭云或作春山考泐澤即蒲昌海則杠水或即蔥嶺

嶺所出河也水經注又云西河舊事曰蔥嶺在敦煌西

八千里其山高也葵韭山蔥名桃李山桃榭桃子杠水

生蔥故曰蔥嶺也葵韭荅大葉桃李小不解核也杠水

出焉而西流注于泐澤有獸焉其狀如禺而文身善笑

見人則臥

言伴眠也

名曰幽鳩

或作嬪嬪鳩音邊

其鳴自呼

又北二百里曰蔓聯之山

萬連二音

其上無草木有獸焉其

狀如禺而有鬣牛尾文臂馬蹄

沅曰此字躄字省文或必欲寫作蹠者非見

人則呼名曰足訾其鳴自呼有鳥焉羣居而朋飛朋猶輩也

沅曰朋說文云古文鳳鳳飛羣鳥從以萬數是也其毛如雌雉名曰白鳩交音或作

渴也沅曰舊本無白字玉篇鳩云白其鳴自呼食之已

鷓鴣鳥羣飛尾如雌雞則當有白字

風

又北百八十里曰單張之山其上無草木有獸焉其狀

如豹而長尾人首而牛耳一目名曰諸犍

音如犍牛之犍沅曰舊本

作犍古無此字當為犍犍牛字古亦只用犍善吒行則銜其尾居則蟠其尾

有鳥焉其狀如雉而文首白翼黃足名曰白鷩音夜沆曰此即

爾雅鷩雉郭云今白鷩也江東呼白鷩亦名白雉是也北次二經謂之白鷩鷩音同古無此字皆後人以聲

合食之已噓痛噓咽也穀梁傳曰噓不容粒今吳人呼咽為噓音隘可以已痢痢癩

病也櫟水出焉而南流注于杠水

又北三百二十里曰灌題之山其上多檮柘其下多流

沙多砥沅曰說文云底石也或作砥有獸焉其狀如牛而白尾其音

如訃如人呼喚訃音叫名曰邾父有鳥焉其狀如雌雉而人面

見人則躍跳躍名曰竦斯其鳴自呼也匠韓之水出焉而

西流注于泐澤其中多磁石可以取鐵管子曰山上有磁石者下必有銅音慈

又北二百里曰潘侯之山其上多松柏其下多榛楛其

陽多玉其陰多鐵有獸焉其狀如牛而四節生毛名曰

旄牛今旄牛背膝及胡尾皆有長毛沅曰犛牛字當為犛作旄者假音邊水出焉沅曰邊廣

韻作而南流注於櫟澤邊非

又北二百三十里曰小咸之山無草木冬夏有雪

北二百八十里曰大咸之山沅曰藝文類聚引此作大同之山無草木

其下多玉是山也四方不可以上有蛇名曰長蛇其毛

如彘豪說者云長百尋今蝮蛇色似艾綬文文間有毛如豬鬃此其類也常山亦有長蛇與此形不同

其音如鼓柝

如人行夜敲木柝聲音託

又北三百二十里曰敦薨之山

沅曰水經注云在匈其奴之西烏孫之東

上多櫻柟其下多苳草敦薨之水出焉而西流注於沕

澤

沅曰水經注云大河右會敦薨之水其水出焉者之北敦薨之山自西海逕尉犁國又屈而南逕渠犂國

西史記曰西有大河即斯水也又南流注于河山出于

昆侖

沅曰舊本之東北隅實惟河原即河水出昆侖之墟沅曰此經云河

原在西北非如漢于闐河其中多赤鯪今名鯪魚音圭沅曰鯪

及唐宋之所謂星宿海也其獸多兕旄牛或作犍牛

非古字本當為鯪字廣雅譌為其獸多兕旄牛或作犍牛

鯪或又譌為鯪皆聲相近之誤其獸多兕旄牛或作犍牛

又北二百里曰少咸之山

沅曰此山當在漢代郡東南今代州無草木多

青碧有獸焉其狀如牛而赤身人面馬足名曰窳窳

云窳窳似羆虎爪與此錯軌愈二音沅曰海內南經曰窳窳龍首居弱水中海內西經曰窳窳者蛇身人面又

與此及爾雅不同窳爾雅作窳陸德明音義云字亦作

窳或作窳窳窳二字說文所無疑當為窳也郭音軌愈

又案釋文云窳韋昭鳥繼反服虔音鑿晉灼音內言餽

又云獮字林弋父反韋昭餘彼反不同者聲之緩急

其音如嬰兒是食人敦水出焉東流注于鴈門之水

鴈門山開沅曰水經注云雁門水東南流逕高柳縣故城北舊代郡治在平城東南六七十里于代為西北又

東南流屈逕一故城又東南流屈而東北積而為潭敦

水注之敦水導原西北少咸之山南麓東流注參合縣

故城南東又悲水注之北合其中多鮪鮪之魚

音沛未詳或作

敦水亂流東北注雁門水

鮪沉曰即鮪魚也一名江豚說文云鮪魚名出樂浪溱國鮪訓同一曰溥浮今郭云亦作鮪鮪古字為溥鮪溥聲相轉也廣雅又為鮪云鮪鮪也玉篇云鮪鮪魚一名江豚欲風則踊食之殺人

又北二百里曰獄法之山滾澤之水出焉音懷沉曰說文云滾澤北方水也而東北流注于泰澤其中多鱮魚音藻沉曰此字說文廣雅無見

其狀如鯉而雞足食之已疣有獸焉其狀如犬而人

面善投沉曰投讀如舉言善舉人見人則笑其名山獼音暉沉曰說文獼獸名劉

淵林注吳都賦云獼子猿類猿身人面見人則笑異物志云廬陵大山之間山都似人裸身見人便走有男女可長四五尺能叢明相喚常在幽昧之中似螭魅鬼物見初學記其行如風疾見則天下大風

又北二百里曰北嶽之山沉曰即恒山也在今山西絳縣東多枳棘剛

木檀柘之屬有獸焉其狀如牛而四角人曰彘耳其名曰諸

懷其音如鳴鴈是食人諸懷之水出焉而西流注于囂

水其中多鮪魚音詣沉曰即鮪魚也亦曰人魚亦曰鮪魚鮪字亦作兒說文云鮪鮪魚名說文

無鮪鮪字鮪兒音同魚身而犬首其音如嬰兒今海中有虎鹿鮪正字兒借字也

魚及海豨體皆如魚而食之已狂沉曰北次三經云人魚食之無癡疾同也頭似虎鹿豬此其類也

又北百八十里曰渾夕之山無草木多銅玉囂水出焉

而西北流注于海有蛇一首兩身名曰肥遺沉曰廣韻引此作蜃

蠃字俗郭云即管子之螭案說文螭即透字古文透見蛇即肥遺以其長名之故華山之蛇同有是名也

則其國大旱管子曰涸水之精名曰螭一頭而兩身其狀如蛇長八尺以其名呼之可使取魚龜亦此類

又北五十里曰北單之山無草木多蔥韭

又北百里曰羆差之山無草木多馬野馬也似馬而小

又北百八十里曰北鮮之山是多馬鮮水出焉沅曰括地志云

合黎水一名鮮水見史記正義而西北流注于涂吾之水漢元狩二年

中也沅曰應劭曰在朔方北見文選注徐廣注史記曰余一作斜音邪其水在今陝西懷遠縣北河套外也

又北百七十里曰隄山或作隄古字耳多馬有獸焉其狀如豹

而文首名曰狍音么沅曰說文無此字見玉篇隄水出焉而東流注于

秦澤其中多龍龜

凡北山經之首自單狐之山至于隄山沅曰此經之山當是西域塞外

東至于山西多不定其所在也凡二十五山五千四百九十里其神皆

人面蛇身其祠之毛用一雉雞彘瘞吉玉用一珪瘞而

不糈言祭不用米皆埋其所用牲玉其山北人皆生食不火之物或作皆生

食而不火

沅曰右北山經古本為第八篇

北次二經之首在河之東其首沅曰水經注引此作其東首枕汾臨

水上也其名曰管涔之山今在太原郡故汾陽縣北秀容山涔音岑管音姦沅曰山音墳

在今山西靜樂縣北淮南子地形訓云汾出燕京水經云汾水出太原汾陽縣管涔山注云十三州志曰出武州之燕京山亦管涔之異名也括地志云汾水原出嵐州靜樂縣北百三十里管涔山北太平寰宇記云土人云其山多管或以為名又案舊本脫管音姦三字太平寰宇記引此有今从之其上無木而多草其下多玉汾水出焉沅曰水經注云泉原導于南麓之下而西流注于

河至汾陽縣北西入河沅曰水在今山西河津縣南西入于河也

又西二百五十里沅曰少陽山在今管涔山東南可三百里經云西未詳也曰少陽

之山沅曰山在今山西交城縣西北元和郡縣志云交城縣少陽山在縣西南九十五里高百丈周回二

十里其上多玉其下多赤銀銀之精者酸水出焉而東流注于

汾水沅曰水經注云汾水南逕秀容城東南與酸水合水原西出少陽之山東南流注于汾水其中

多美赭管子曰山上有赭者其下有鐵

又北五十里沅曰山在今少陽山東北曰縣雍之山今在晉陽縣西名汲獲雍音獲

沅曰一名龍山在今山西太原縣水經作縣雍山淮南子地形訓云晉出龍山高誘注云龍山在晉陽之西北

水經注云晉書地道記及十三州志並言晉水出龍山

名結紉山在縣西北非也山海經曰縣雍之山晉水出焉今在縣之西南元和郡縣志云晉陽縣縣雍山一名

龍山在縣西南十二里又案括地志引此雍作雍見史記正義非其上多玉其下多銅其獸多閭麋閭即踰也似驢而岐蹄角如麋

羊一名山驢周書曰北其鳥多白翟白鶴即白鶴也音于六反沅曰

唐以閭亦見鄉射禮鶴字說文廣雅所無玉篇云白鶴晉水出焉而東流注

也案即說文之卓雉爾雅字作鶉也于汾水東過晉陽南其中多鯀魚其狀如儵沅曰儵本字儵假音

而赤鱗

小魚曰鱗

其音如叱食之不驕

或作騷騷臭也

又北二百里

沅曰山在今縣雍山西南經云北未詳

曰狐岐之山

沅曰山在今山

西孝義縣

故城東有勝水出西狐岐之山

無草木多青碧

勝水出焉

沅曰水經注云勝水出西狐岐之山東逕六壁城南又東合陽泉水又東逕中陽故城南

又東合夕水元和郡縣志云孝義縣勝水在縣南一里

而東流注于汾水

沅曰其水合文

也見水經其中多蒼玉

又北三百五十里曰白沙山廣員三百里盡沙也無草

木烏獸鮪水出于其上潛于其下

出山之頂停其底也沅曰呂氏春秋云武

王至鮪水殷使膠鬲侯周師非此

是多白玉

又北四百里曰爾是之山無草木無水

又北三百八十里曰狂山無草木是山也冬夏有雪狂

水出焉而西流注于浮水其中多美玉

又北三百八十里曰諸餘之山其上多銅玉其下多松

柏諸餘之水出焉而東流注于旄水

沅曰玉篇作旄云水名俗字

又北三百五十里曰敦頭之山其上多金玉無草木旄

水出焉而東流注于邛澤

沅曰邛澤疑邛澤

其中多騂馬

音勃沅曰

此字說文所無見玉篇又案張駿山海經圖畫讚曰敦山有獸其名爲敦麟形一角麟形者以釋牛尾案即此也騂或古本作敦則即勃字異文也牛尾而白身一角其音如呼

又北三百五十里曰鈎吾之山其上多玉其下多銅有

獸焉其狀如羊身人面其目在腋下沉曰腋字古只為亦又作掖見說文

从月者虎齒人爪其音如嬰兒名曰狍鴞沉曰狍字說文所無見玉

傳寫誤是食人為物貪林食人未盡還害其身象在夏鼎左

然案今所傳狍鴞讚又小有不同

又北三百里曰北囂之山沉曰說文穀云出蜀北囂山案其道里不得在蜀又是北

山經之山未知無石其陽多碧其陰多玉有獸焉其狀

如虎而白身犬首馬尾蔬鬣名曰獨狍音谷沉曰說文云北囂山有獨

狍獸如虎白身豕鬣尾如馬出此又曰穀似詳羊出蜀北囂山中犬首而馬尾今經不載此獸或古本有之

有鳥焉其狀如鳥人面名曰鷲鷗般冒兩音或作夏也沉曰此二字說文所

無見宵飛而晝伏鷲鷗之屬食之已暍中熱也滄水出焉沉

說文云滄水出北囂山人邛澤从水舍聲廣韻引文字音義同舊本經字作涪誤也今改正又案地理志榆次

有滄水鄉地形志太原陽邑有八表山滄水出疑即北囂山水疑即滄水也音皆相近未敢定之而東

流注于邛澤沉曰說文邛作邛

又北三百五十里曰梁渠之山沉曰其山當在漢代郡且如縣北塞外無

草木多金玉脩水出焉沉曰地理志云代郡且如于延水出塞外東至廣寧入治水經

注云即修水也水出塞外柔元鎮西長川城南小山東南流逕且如縣故城南又東南逕馬城縣故城北十三

州志曰俗謂是水為河頭又東南而東流注于鴈門沉曰水名南于大甯郡北右注雁門水

雁門水即灤水地理志亦云治水水經注云雁門水東  
逕大甯郡有修水注之地理志有于延水而無雁門修  
水之名山海經有雁門之目而無說其獸多居暨其狀  
于延河自下亦通謂之于延水矣

如彙沉曰彙字當為而赤毛彙似鼠赤毛如刺猬也彙音滑其音如豚

有鳥焉其狀如夸父或作舉父沉曰夸舉音相近即纓父也四翼一目犬

尾名曰囂其音如鵲食之已腹痛可以止衄治洞下也音洞沉曰

此字說文所無見玉篇云下也即郭義

又北四百里曰姑灌之山無草木是山也冬夏有雪

又北三百八十里曰湖灌之山其陽多玉其陰多碧多

馬湖灌之水出焉而東流注于海其中多鮪亦鱣魚字沉曰鮪鱣

省有木焉其葉如柳而赤理

又北水行五百里流沙三百里至于洹山沉曰洹疑當為恒其

上多金玉三桑生之其樹皆無枝其高百仞百果樹生

之其下多怪蛇

又北三百里曰敦題之山沉曰疑即雁門陰館累頭山敦題累頭皆音之轉敦讀如

也自無草木多金玉是錚于北海沉曰依義當為自作錚者假音

凡北次二經之首自管涔之山至于敦題之山沉曰此經之山

自山西太原府東凡十七山沉曰自管涔山至此才五

千六百九十里其神皆蛇身沉曰言人面其祠毛用一

雄雞毘瘞之用一璧一珪投而不精搃玉於山中以禮神不蕪之也沅曰

沅曰右北次三經古本為第九篇

北次三經之首曰太行之山今在河內野王縣西北行音戶剛反沅曰山在今河

南輝縣西北淮南子云五行山太五音相近高誘注云今太行山也在今河內野王縣之北上黨關也其

首曰是其義俗本爾雅作歸其上有金玉其下

有碧獸焉其狀如麇羊沅曰劉昭注郡國志引此作麇而四角馬尾

而有此其名曰驪沅曰劉昭注郡國志引此作驪又廣韻曰驪驪野馬攷說文作驪驪亦驪

之誤為驪疑此亦當為驪也驪字說文所無見玉篇云獸名善還還旋舞也驪音暉沅曰玉篇音暉

與郭不同者暉昆音相轉其鳴自訔有鳥焉其狀如鵲白身赤尾六

足其名曰鵲音奔沅曰此字說文所無見玉篇是善驚其鳴自談今吳人謂

呼為談音呼交反

又東北二百里曰龍侯之山無草木多金玉泱泱之水

出焉音訣而東流注于河其中多人魚其狀如鯀魚沅曰鯀字

當為鯀說文云鯀大鮎也字林則作鯀云青州人呼鮎鯀見經典釋文此云今亦呼鮎為鯀然則鯀鮎俗字鮎

正四足其音如嬰兒鮎見中山經或曰人魚即鮎也似鮎而四足聲如小兒啼今亦呼鮎

為鮎音蹄食之無癡疾

又東北二百里曰馬成之山其上多文石其陰多金玉

有獸焉其狀如白犬而黑頭見人則飛言肉翅飛行自在其名

曰天馬其鳴自訃有鳥焉其狀如烏首白而身青足黃

其名曰鷓鴣屈居二音或作鳴沉曰即鷓鴣也亦曰桔鷓鷓鴣皆音相近也其鳴自

談食之不飢可以已寓未詳或曰寓猶誤也

又東北七十里曰咸山其上有玉其下多銅是多松柏

草多苾草條菅之水出焉菅音閒而西南流注于長澤其

中多器酸三歲一成所未詳也食之已癘

又東北二百里曰天池之山沉曰山在今山西靜樂縣東北水經注云桑乾水潛

承太原汾陽縣北燕京山之天池池在高原之上世謂之天池隋書地理志云靜樂有天池其上無

草木多文石有獸焉其狀如兔而鼠首以其背飛用其背上

毛飛飛則仰也其名曰飛兔沉曰舊本兔作鼠据初學記兔第十二引此作兔澗水出

焉潛于其下停山底也其中多黃堊堊土也

又東三百里曰陽山其上多玉其下多金銅有獸焉其

狀如牛而赤尾其頸鬣沉曰廣雅云腎堅也郭云肉腎猶云肉堅其狀如勾

瞿言頸上有肉鬣勾瞿斗也音劬其名曰領胡其鳴自談食之已狂有

鳥焉其狀如雌雉而五彩以文是自為牝牡名曰象蛇

其名自談留水出焉而南流注于河其中有鮒父之魚

音陷沉曰即鮒父魚見本草其狀如鮒魚魚首而斃身食之已嘔

又東三百五十里曰賁聞之山其上多蒼玉其下多黃堊多涅石

又北百里曰王屋之山今在河東垣縣北書曰至于王屋也沅曰山在今山西垣曲縣

是多石聯水出焉聯音輦沅曰舊本作瀦玉篇亦有瀦字云力先切水出王屋山俱非水經

注引此只在縣東北沅

中又東至琅槐屋山在

流注於秦澤

郭云沅即濟也濟字當為沅此濟是石濟水見說文

又東北三百里曰教山沅曰山在今山西垣曲縣北水經注云教水出垣縣北教山太

平寰字記云絳縣教山今名效山亦名景山在縣南八十五里其上多玉而無石教水

出焉西流注于河沅曰水經注云教水南逕鼓上峽南流

歷鍾鼓川分為二澗一澗西北出一百六十許里今聞喜縣東北谷口猶有乾河里一水歷冶官西世人謂之

鼓鍾城城西阜下有泉西流注澗與教水合伏入石下南至下峽其水重源又發南至西馬頭山東截坡下

又伏流南十餘里是水冬乾而夏流實惟乾河今河東

復出南入于河其中多雨山是山也廣員二百步其名曰發丸之山

東北有乾河口因名乾河里但有故溝處無復水即音也沅曰史記云白起取韓安邑以東到乾河徐廣曰音

其上有金玉

又南三百里曰景山外傳曰景霍以為城沅曰山在今山西聞喜縣南水經云涑水西過

周陽邑南注云景水出景山案山海經不言有水今有水焉西北流注于涑水也隋書地理志云聞喜有景山

南望鹽販之澤即解縣鹽池也今在河東猗氏縣或無販字沅曰舊本傳脫解縣二字今从水

經注所引增入澤在今安邑北望少澤其上草多諸蕒根似羊蹄可食曙豫二音

今江南單呼為諸音儲語有輕重耳沅曰舊本作多草非多秦椒子似椒而細葉草也沅曰舊本上有

其草二字太平寰宇記引此無今从之太平寰宇記引諸蕒作諸蕒則非也其陰多赭其

陽多玉有鳥焉其狀如蛇而四翼六目三足名曰酸與

其鳴自諉見則其邑有恐或曰食之不醉

又東南三百二十里沅曰山在今景山之西曰孟門之

山尸子曰龍門未辟呂梁未鑿河出於孟門之上大溢逆流無有邱陵高阜滅之名曰洪水穆天子傳曰北

升孟門九河之隘沅曰山在今山西吉州西水經注云孟門龍門之上口也其上多蒼玉多

金其下多黃堊多涅石

又東南三百二十里沅曰山在孟門正東曰平山沅曰山在今山西垣曲縣東北

水經注云教水南逕輔山高三十許里上有泉不測其

深山頂周員五六里少草木引此經云云又是王屋之

次疑即平山也元和郡縣志云臨汾縣本漢平陽縣縣

在平水之陽故曰平陽山一名壺口山今名姑射山在

縣西八里平水出于焉平水出于其上潛于其下是多美玉

又東二百里曰京山有美玉多漆木多竹其陽有赤銅

其陰有元礪黑砥石也尸子曰加元黃砥明色非一也礪音竹篠之篠沅曰此字說文所無見玉

篇同郭義高水出焉南流注于河

又東二百里曰虫尾之山其上多金玉其下多竹多青

碧丹水出焉南流注于河薄水出焉淮南子曰薄水出鮮于山沅曰淮南

子地形訓云鎬出鮮于郭引作薄未詳孰是而東流注于黃澤沅曰疑即漢內黃黃澤

又東三百里曰彭訖之山其上無草木多金玉其下多

水蚤林之水出焉音早東南流注于河肥水出焉而南流

注于牀水其中多肥遺之蚘

又東百八十里曰小侯之山明漳之水出焉南流注于

黃澤有鳥焉其狀如烏而白文名曰鵠鵠姑習二音沅曰二字說文

廣雅所無見玉篇食之不瀉不瞧目也或作瞻音醮

又東三百七十里曰秦頭之山其水出焉音恭南注于虢

池呼佗二音下同其上多金玉其下多竹箭

又東北二百里曰軒轅之山其上多銅其下多竹有鳥

焉其狀如梟而白首其名曰黃鳥其鳴自談食之不妒

又北二百里曰謁戾之山今在上黨郡涅縣沅曰山在今山西樂平縣謁字亦作榻

淮南子地形訓云清漳出榻戾高誘曰榻戾山在上黨水經注引誘曰在沾縣元和郡縣志云縣上縣羊頭山

一名謁戾山在縣東北五里沁水所出太平寰宇記云平遙縣謁戾山在縣東南四十五里一名麓臺山其

上多松柏有金玉沁水出焉沅曰水經云沁水出上黨謁戾山注云即涅水也或

言出穀遠縣羊頭山元和郡縣志云縣上縣沁水所出南流注于河至滎陽縣東北入河或出

穀遠縣羊頭山也沅曰今其東有林焉名曰丹林丹林

之水出焉沅曰水經注云水出上黨高都縣故城東北

水自源東北流又屈而東南入絕水是也元和郡縣志云高都

縣有莞谷丹水出縣北十二里司馬南流注于河沅曰地

山新唐書云高平法水一曰丹水

丹水入沅水經注引作入絕水地理志又云沅氏楊

谷絕水所出南至壅王入沁水經注亦云沁水與丹水

合此云入河者蓋丹水合絕水入沁又入于河又漢書

注應劭曰沅氏山海經沅水所出者也今案經文無沅

水未詳也

嬰侯之水出于其陰沅曰舊本作出于其陰

注于祀水沅曰舊本祀作祀非水經云汾水過大陵縣

水出祀山其水殊源共合注於嬰侯之水引此經云祀

縣南俗又謂之中都水侯甲水注之又曰侯甲水逕中都

縣故城南西接鄆澤是為祁藪也据

此則經云祀水祀亦祁字聲形相近

東三百里曰沮如之山詩云彼汾沮如沅曰山在今河

淇水源在縣西北沮如山太平寰宇記

云共城縣沮如山在縣西淇水出此山

淇水出焉音其沅曰淮南子地形訓云淇出大號高誘

水經云淇水出河內隆慮縣西大號山說文云淇水出

河內共北山東入河或曰出隆慮西山地理志云淇水

出南流注于河今淇水出汲郡隆慮縣大號

又北三百里曰神困之山音如倉困之困沅曰案水經

南林縣也

其上有文石其下有白蛇有飛蟲黃水出焉沅曰

云洹水東過隆慮縣北注云縣有黃水出于神困之山

黃華谷北崖山高十七里水出木門帶帶即山之第三

級也其水東流注谷口潛入地下東北一十里復出名

柳渚渚周四五里是黃水重源再發也又東入于洹水

而東流注于洹洹水出汲郡林慮縣東北至魏郡長樂

魯間水經云出上黨泫氏縣東過內黃縣北洹水出焉

東入于白溝注云水出洹山在長子縣北洹水出焉

沅曰沅當為釜淮南子地形訓云釜出景高誘注云景

山在邯鄲西南釜水所出南流入漳其原浪沸涌正勢

如釜中湯故曰釜今謂之釜口太平寰宇而東流注于

歐水滏水今出臨水縣西北鼓山南岩而東流注于

發源石鼓山南東流注于漳今本無此語但云漳水又

對趙氏臨漳宮又東北釜水入焉據經云注于歐水豈

漳水有歐水之名與

又北二百里曰發鳩之山今在上黨郡長子縣西沅曰

山亦曰發包山在今山西長

子縣西淮南子地形訓云濁漳出發包高誘注云發包

山一名鹿谷山亦在上黨長子縣案鳩包聲相轉或云

包當為宛字也水經注云鹿谷與發鳩連麓而在南其

元和郡縣志云長子縣發鳩山在縣西南六十里

上多柘木沅曰柘當為樵說文有鳥焉其狀如烏文首

白喙赤足名曰精衛沅曰述異記云其鳴自詖是炎帝

之少女名曰女娃炎帝神農也女娃惡女娃遊于東海溺

而不返故為精衛沅曰列仙傳云赤松子服水玉以教

得仙俱去地形志云長子羊頭山下神農泉北有穀關

即神農得嘉穀處据二書言則炎帝少女追神農而得

仙正于常銜西山之木石以堙于東海堙塞也音因沅

此也又加土漳水出焉濁漳音章沅曰漳當為潦郭誤也說

聲今本水經注云漳水又東陳水注之水西出發鳩山  
東逕余吾縣故城南又東逕屯雷縣故城北又東流注  
于漳故許慎曰水出發鳩山入關从水章聲也案陳水  
皆凍水之誤所引說文乃凍字之解云章聲又東聲之  
誤也詳郭音則是東流注于河或曰出長子縣鹿谷  
晉時已譌凍為漳

又東北百二十里曰少山今在樂平郡沾縣沾縣故屬

縣水經云清漳水出上黨沾縣西北少山大要谷說文  
逢山在縣西南三十里清漳水出焉太平寰宇山一名河  
記云大谷縣大谷山晉地記云少山即大谷其上有

金玉其下有銅清漳之水出焉東流于濁漳之水清漳

山大要谷至武安縣南黍窰邑入於濁漳或曰東北至  
邑成人於大河也沉曰說文云濁漳入清漳經及水經  
云清漳入濁漳同也黍窰俗本作暴宮

又東北二百里曰錫山沉曰山在今河南武安縣地理

平寰宇記云磁州武安縣有錫山引此經其上多玉其下有砥牛首之水出

焉沉曰地理志云邯鄲堵山牛首水所出水經注云水

水灌城太平寰宇記云邯鄲縣牛首水在縣而東流注

于釜水沉曰舊本釜作滏非

又北二百里曰景山沉曰高誘注淮南子有美玉景水

出焉東南流注于海澤沉曰淮南子地形訓云西北方曰海澤

又北百里曰題首之山有玉焉多石無水

又北百里曰繡山其上有玉青碧其木多栒木中枚也音荀沉曰

郭說非也說文云其草多芍藥芎窮芍藥一名辛夷亦香草屬洧水

出焉而東流注于河其中有鱧鱧似鮎而大白色也鼃鼃似鰕

或曰鱧鼃一物名耳

又北百二十里曰松山沉曰疑即今山西襄垣縣好松山陽水出焉沉

地形志云上黨屯留有陽水原出三東北流注于河

又北百二十里曰敦與之山沉曰山在今直隸臨城縣西南元和郡縣志云趙州

臨城縣敦與山在縣西南七十里泚水所出太平寰宇記引此作敦與山其上無草木有金

玉泚水出于其陽音悉各反沉曰泚字而東流注于秦

陸之水大陸水今鉅鹿北廣平澤即其水泚水出于其陰音抵肆也沉曰說文云泚

水在常山地理志云常山中邱有逢山長谷諸水所出

東至張邑入濁漳案諸水即泚水也元和郡縣志云臨城縣泚水在縣南二十里出白土細滑如膏而東流注于彭水今泚水出中邱縣西窮泉

谷東注于堂陽縣入于漳水沉槐水出焉而東流注于

泚澤沉曰槐水即濟水也亦曰石濟出今直隸贊皇縣說文云濟出常山房子贊皇山地理志云石濟水

東至慶陶入泚元和郡縣志云平棘縣槐水一名白溝河南去縣二十五里太平寰宇記云贊皇縣槐水隋圖

經云槐水出贊皇山一名渡水一名濟水去縣十里此自別一濟即詩云出宿于濟

又北百七十里曰柘山其陽有金玉其陰有鐵歷聚之

水出焉而北流注于洧水

又北三百里曰維龍之山其上有碧玉其陽有金其陰

有鐵肥水出焉而東流注于皋澤其中多礪石

未詳也音雷或

作壘礪壘大石貌或曰石名沅曰礪非古字當為壘

敞鐵之水出焉而北流注于

大澤

又北百八十里曰白馬之山

沅曰山在今山西孟縣北地形志云清廉有白馬山

元和郡縣志云孟縣白馬山在縣東北六十里

其陽多石玉其陰多鐵多赤銅

木馬之水出焉

沅曰即牧馬水在孟縣東北至定襄入虜沱

而東北流注于

虜沱

呼沱二音

又北二百里曰空桑之山

上已有此山疑同名也

無草木冬夏有

雪空桑之水出焉東流注于虜沱

又北三百里曰泰戲之山

沅曰山在今山西繁峙縣西淮南子地形訓云虜沱出魯

乎說文云沱水起雁門後人戍夫山元和郡縣志云繁峙縣泰戲山一名武夫山在縣東南九十里太平寰宇

記云繁峙縣泰戲山今曰孤山又云虜沱河源出東南孤阜山据此則戲字當讀如呼說文本从虜聲泰戲魯

乎戍夫武夫孤阜皆聲相近字之異也無草木多金玉有獸焉其狀如羊

一角一目曰在耳後其名曰羴羴

音屋棟之棟沅曰羴字說文所無見玉篇

廣韻云音東又音陳

其鳴白詖虜沱之水出焉

今虜沱水出雁門鹵成縣南武夫山

沅曰周禮作呼沱禮記作惡池呼惡虜三音同也地理志云勃海成平虜沱或曰徒駭河亦音相近也水出今

山西繁峙縣又北逕直隸至滄縣入于海而東流注于澗水

音樓沅曰地理志云代郡鹵城

虜沱河東至參合入虜沱別疑澗水即虜沱別流也

液女之水出于其陽南流注

于沁水液音悅懌之懌沅曰今秦戲山在繁峙沁水在沁源南北相去甚遠無由有注沁之水經所云詳也

又北三百里曰石山多藏金玉沅曰藏當為臧濩濩之水出焉濩音尺而東流注于虜沱鮮于之水出焉而南流注于

虜池

又北二百里曰童戎之山皋涂之水出焉而東流注于漚液水

又北三百里曰高是之山今在北地靈邱縣沅曰滋水在縣西北水經作高氏水焉音慈而南流注于虜沱沅曰地理志云南行唐牛飲山白陸谷滋水所出東至新

市入虜沱元和郡縣志云靈邱縣茲水出縣西枚回山其木多櫻其草多條滋水

出焉音寇沅曰說文云滋水起北地靈邱東入河又曰滋水即溫夷之水并州浸也水經云滋水出代郡靈邱縣高氏山注云即溫夷

之水也出縣西北高氏山東流注于河過博陵縣南又北三百里曰陸山多美玉鄴女出焉或作鄴水而東流注

于河又北三百里曰沂山音祁般水出焉音盤沅曰此疑九河之鉤盤地形志云盤

有故而東流注于河般河北百二十里曰燕山沅曰隋書地理志云無終有燕山疑即此多嬰石言石似玉

有符彩嬰帶所謂燕石者燕水出焉東流注于河

又北山行五百里水行五百里至于饒山是無草木多

瑤碧其獸多橐駝其鳥多鷗未詳或曰鷗鵠也歷虢之水出焉

而東流注于河其中有師魚沉曰師魚或當為沛魚之

浮魚也食之殺人未詳或作鯢

又北四百里曰乾山無草木其陽有金玉其陰有鐵而

無水有獸焉其狀如牛而三足其名曰獬音元沉曰獬

書云獬有爪而不敢以擻說文云讀若桓其鳴自談

又北五百里曰倫山倫水出焉而東流注于河有獸焉

其狀如麋其川在尾上川竅也沉曰爾雅云白州驩郭云州竅則川當為州廣雅云州

也其名曰羆

又北五百里曰碣石之山水經曰碣石山今在遼西臨

驪城縣海邊山沉曰山在今直隸撫寧昌黎二縣界即驪城山也繩水出焉而東流注

于河其中多蒲夷之魚未詳沉曰說文云魾鯨魚出東萊疑即此古音蒲如扶其

上有玉其下多青碧

又北水行五百里至于鴈門之山沉曰山在今山西代州東北無草

木鴈門山即北陵西隃鴈之所出因以名云在高柳北

又北水行四百里至于秦澤其中有山焉曰帝都之山

廣員百里無草木有金玉

又北五百里曰錞于毋逢之山北望惟號之山

沅曰舊本惟作

雞非說文玉篇引此作惟其風如芴芴急風貌也音戾或云飄風也

大蛇赤首白身其音如牛見則其邑大旱

只作芴今从之西望幽都之山浴水出焉浴即黑水也是有

凡北次三經之首自太行之山以至于無逢之山

沅曰此經

之山自河南北至山西也凡四十六山萬二千三百五十里其神狀

皆馬身而人面者甘神其祠之皆用一藻茝瘞之

藻聚藻茝

香草蘭之類音昌代反其十四神狀皆彘身而載玉其祠之皆玉

不瘞

不瘞所用玉也

其十神狀皆彘身而八足蛇尾其祠之皆用一璧瘞之大凡四十四神皆用稌糝米祠之此皆不

火食

沅曰右北次三經古本為第十篇

右北經之山志凡八十七山二萬三千二百三十里

山海經第三終

總校張預分校

汪學瀚  
朱昌壽校

山海經第四

晉水記

室

參

而

軍

郭

璞

傳

舜侍鄧兼都察右副都御史撫陝西安處地贊理軍務兼糧餉欽賜勳帶畢新校正

東山經

東山經之首曰楸蠶之山

速株二音

北臨乾味

亦山名也音妹食水

出焉而東北流注于海

沉曰以聲求之疑食水即時水也無以定之

其中多

鱮鱮之魚

音容沉曰史記司馬相如賦有禺禺徐廣曰禺禺魚牛也漢書注郭璞曰禺禺魚皮有毛

黃地黑文師古曰禺音隅又音顛則鱮鱮即禺禺字異音同也又案詩正義引陸機云鱮似魴而頭大徐州人

謂之鱮或謂之胡鱮則鱮鱮即鱮也

其狀如犁牛

牛似虎文者

其音如彘鳴又南三百里曰蕭山音誅其上有玉其下有

金湖水出焉沉曰疑即地理志之東流注于食水其中

多活師科斗也爾雅謂之活東

又南三百里曰栒狀之山沉曰廣韻云泚水出拘扶山疑此當為拘扶其上

多金玉其下多青碧石有獸焉其狀如犬六足其名曰

從從其鳴自諉有鳥焉其狀如雞而鼠毛其名曰蜚鼠

音咨沉曰經云鼠毛當為鼠尾蜚字當為見則其邑大

積水出焉音枳沉曰以聲求之疑即溜水而北流注于湖水沉曰今案水經

注溜水注馬車瀆馬車瀆首受其中多箴魚其狀如條

沉曰依義當為條其喙如箴出東海今江東水中亦有之食之無疫疾

又南三百里曰勃壘沉曰此即齊字異文之山無草木無水

又南三百里曰番條之山無草木多沙滅水出焉音同滅損

之北流注于海其中多鰕魚一名黃頰音感沉曰鰕字說文所無見玉篇云黃魚

案說文有頰字云面黃依義當用頰俗寫从魚

又南四百里曰姑兒之山其上多漆其下多桑柘姑兒

之水出焉北流注于海其中多鰕魚

又南四百里曰高氏之山其上多玉其下多箴石可以為砭

針治癰腫者沉曰舊本作可以為砭針諸繩之水出焉南史王僧孺傳引此作可以為砭針

沅曰疑卽澠水也水經注云東流注于澤其中多金玉

又南三百里曰嶽山沅曰疑卽泰山其上多桑其下多檇灤水

出焉音樂沅曰說文云灤齊魯間水也水經注云灤水出歷城縣故城西泉源上北入于濟謂之灤口

東流注于澤其中多金玉

又南三百里曰豺山沅曰玉篇豺音柴云豺狼知豺卽豺別字其上無草木

其下多水其中多堪孖之魚未詳音序沅曰孖字从孖从子見玉篇俗本作孖

字非又玉篇有鯪字云有獸焉其狀如夸父沅曰夸父卽夔父也

而彘毛其音如呼見則天下大水

又南三百里曰獨山其上多金玉其下多美石末塗之

水出焉而東南流注于沔其中多儵鱮條容二音沅曰二字說文所無

見郭璞江賦其狀如黃蛇魚翼出入有光見則其邑大

旱

又南三百里曰泰山卽東嶽岱宗也今在泰山奉高縣西北從山下至頂百四十八里三百步沅曰山在今山東泰安縣北傳云百四十八里舊本脫百字今據史記正義增入其上多玉

其下多金有獸焉其狀如豚而有珠名曰狇音如吟

沅曰狇字說文所無玉篇云狇獸似豕出泰山又作狇云獸名廣韻狇狇俱云獸名似豕出泰山則此字二作也舊本作狇其名自訛環水出焉沅曰水經注云汶水從犬無此字

龜陰之田又合環水水出泰山南谿南流歷中下東流

兩廟間其水又屈而東流入於汶水引此云云

東流

注于江

一作海沉曰水經注引此作入于汶是

其中多水玉

又南三百里曰竹山錫于江

一作淮

無草木多瑤碧激水

出焉而東南流注于娶檀之水其中多芘羸

沉曰當為羸

凡東山經之首自檄蠡之山以至于竹山

沉曰其山多未詳案其道

里當是今山東兗州東北抵于海也

凡十二山三千六百里其神狀皆人

身龍首祠毛用一犬祈岷

沉曰祈當為鑿岷俗本作聃非

用魚以血塗祭為岷

也公羊傳云蓋叩其鼻以岷社音釣餌之餌

沉曰右東山經古本為第十一篇

良限其昌大

東次二經之首曰空桑之山

此山出琴瑟材見周禮也沉曰高誘注淮南子云空

桑在魯張衡思元賦注云少皞金天氏居窮桑在魯北

太平寰宇記云干寶云微在生孔子于空桑之地今名

孔竇在魯南山之穴北臨食水東望沮吳南望沙陵西望湣澤

沉曰水近空桑山有獸焉其狀如牛而虎文其音如欽

疑湣即汶也音同其名曰輪輪音靈其鳴自叫見則天下大水

又南六百里曰曹夕之山其下多穀而無水多鳥獸

又西南四百里曰嶧皋之山音亦其上多金玉其下多白

堊嶧皋之水出焉東流注于激女之水沉曰玉篇引此女作汶其

中多蜃珧蜃蚌也珧玉珧赤蚌屬腎遙兩音

又南水行五百里流沙三百里至于葛山之尾無草木

多砥礪

又南三百八十里葛山之首無草木澧水出焉音禮沉曰高誘

注呂氏春秋云醴水在蒼梧環九疑之山案經是東山經非蒼梧之水也東流注于余澤其

中多珠蟹魚音蟹沉曰珠蟹當為朱鼈郭璞江賦云蟹

珠如蛟皮南越志云海多朱鼈狀如肺有四眼六腳而吐珠見初學記其狀如肺而有目

六足有珠其味酸甘食之無癘無時氣病也呂氏春秋曰澧水之魚名曰朱蟹

六足有珠魚之美也

又南三百八十里曰餘我之山沉曰廣韻引此我作我其上多梓

柟其下多荆芑雜余之水出焉東流注于黃水有獸焉

其狀如兔而鳥喙鴟目蛇尾見人則暝言佯死也沉曰舊本作眠俗字

名曰狢狢几餘二音沉曰舊本經文狢作狢傳几作狢非玉篇有狢狢字皆云獸似兔狢音几無狢

字廣韻有狢云獸名如兔喙蛇尾見則有蝗災又有狢字蓋非今从玉篇其鳴自訐見則齧

蝗為敗齧田苗音終

又南三百里曰杜父之山無草木多水

又南三百里曰耿山無草木多水碧亦水玉類多大蛇有獸

焉其狀如狐而魚翼其名曰朱獺音儒沉曰廣韻朱亦作狶非其鳴

自叫見則其國有恐

又南三百里曰盧其之山無草木多沙石沙水出焉南

流注于涪水其中多鷺鷥音黎沉曰黎鷺聲相近也鷺當為胡玉篇云又名陶河皆音之其狀如鴛鴦而人足其鳴自訃見則其國多土功今鷓胡足頗有似人腳形狀也

又南三百八十里曰姑射之山沉曰莊子云藐姑射之志云臨汾山汾水之陽隋書地理有姑射山無草木多水

又南水行三百里流沙百里曰北姑射之山無草木多石

又南三百里曰南姑射之山無草木多水

又南三百里曰碧山無草木多大蛇多碧水玉

又南五百里曰緱氏之山沉曰隋書地理志云緱氏有緱氏山無草木多

金玉原水出焉東流注于沙澤一曰俠氏之山

又南三百里曰姑逢之山無草木多金玉有獸焉其狀如狐而有翼其音如鴻鴈其名曰獬獬音斃沉曰即獬字異文玉篇云

獬獸名謂此見則天下大旱

又南五百里曰鳧麗之山其上多金玉其下多箴石有獸焉其狀如狐而九尾九首虎爪名曰夔姪龍蛭二音其音

如嬰兒是食人

又南五百里曰礪山音一真反南臨礪水東望湖澤有獸焉

其狀如馬而羊目四角牛尾其音如獬狗其名曰倮倮

音攸沉曰倮字說文玉篇所無此見則其國多狡客狡狡

也有鳥焉其狀如鳧而鼠尾善登木其名曰絜鈎見則

其國多疫

凡東次二經之首自空桑之山至于礪山

沉曰此經之山疑自山東

南至于山凡十七山六千六百四十里其神狀皆獸身

人面載觥麋鹿屬角為觥音格其祠毛用一雞祈嬰用一璧瘞

沉曰右東次二經古本為第十二篇

凡東次三經之首曰尸胡之山北望殫山

音詳沉曰殫字說文所無

見玉篇云女鬼也山則未詳其上多金玉其下多棘有獸焉其狀如

麋而魚目名曰嬰胡音婉沉曰玉篇云嬰同婉則婉字省文其鳴自訃

又南水行八百里曰岐山其木多桃李其獸多虎

又南水行五百里曰諸鈎之山無草木多沙石是山也

廣員百里多寐魚即鮓魚音味沉曰爾雅有鱧刀魚即此古字只用寐玉篇作鮓云海中魚

似鮓又云鱧同

又南水行七百里曰中父之山無草木多沙

又東水行千里曰胡射之山無草木多沙石

又南水行七百里曰孟于之山沉曰俗本作子今据藏經本其木多

梓桐多桃李其草木菌蒲未詳音咽其獸多麋鹿是山

也廣員百里其上有水出焉名曰碧陽其中多鱣鮪鱣鮪即

鱣也似鱣而長鼻體無鱗甲別名鮪鱣一名鱣也

又南水行五百里曰流沙行五百里有山焉曰跂踵之

山跂音企

廣員二百里無草木有大蛇其上多玉有水焉

廣員四十里皆涌

今河東汾陰縣有漢水源自地底湧出其深無限即此類也其

名曰淡澤其中多蠪龜

蠪青蠪大龜也甲有文彩似蟬蛸而薄音遺知反有魚

焉其狀如鯉而六足鳥尾名曰鯨鯨之魚

音蛤沅曰廣雅云東方有

鳥焉如鯉六足鳥尾其名曰鯨其鳴自訃

又南水行九百里曰踰隅之山

音敏沅曰玉篇引此作踰隅山其上多

草木多金玉多赭有獸焉其狀如牛而馬尾名曰精精

其鳴自叫

又南水行五百里流沙三百里至于無皐之山南望幼

海即少海也淮南子曰東方大渚曰少海東望樽木

扶桑二音沅曰經云樽木傳云扶桑二音

疑木字誤也

無草木多風是山也廣員百里

凡東次三經之首自尸胡之山至于無皐之山凡九山

六千九百里其神狀皆人身而羊角其祠用一牡羊米

用黍是神也見則風雨水為敗

沉曰右東次三經古本為第十三篇

又東次四經之首曰北號之山臨于北海有木焉其狀如楊赤華其實如棗而無核其味酸甘食之不瘡食水出焉而東北流注于海有獸焉其狀如狼赤首鼠目其音如豚名曰獨狙葛苴二音沉曰此即狙也說文云狙名獾狎似猿而狗頭喜與雌狻交也即此狙狎音相傳猶狙字兩音矣玉篇廣韻作獨狙云丁但切獸名蓋誤是食人有鳥焉其狀如雞而白首鼠足而虎爪其名曰魃音祈沉曰魃即魁字異文未詳郭音何据玉篇亦有魃字云巨希切星名蓋亦魁也雀亦食人又南三百里曰旄山無草木蒼體之水出焉而西流注

于展水其中多鱣魚

今蝦鱣字亦或作鱣秋音沉曰廣雅云鱣鱣也案鱣非古字後人以

聲合之其實當為鱣其狀如鯉而大首食者不疣

又南三百二十里曰東始之山上多蒼玉有木焉其狀

如楊而赤理其汁如血不實其名曰芑音起可以服馬以

塗之則馬調良泚水出焉而東北流注于海其中多美貝多苾

魚其狀如鮒一首而十身其臭如蘘蕪食之不糲字謂反止

失氣也沉曰廣韻云糲同屁氣下洩也匹麻切案糲字說文所無而有菜字當是正文

又東南三百里曰女烝之山其上無草木石膏水出焉

而西注于鬲水其中多薄魚其狀如鱣魚而一目其音

如歐如人嘔吐聲也見則天下大旱

又東南二百里曰欽山多金玉而無石師水出焉而北流注于臯澤其中多鱣魚多文具其狀如豚而有牙其名曰當康其鳴自叫見則天下大穰

又東南二百里曰子桐之山子桐之水出焉而西流注于餘如之澤其中多鱮魚音滑沅曰鱮字說文所無見郭璞江賦玉篇云鱮魚如鳥

其狀如魚而鳥翼出入有光其音如鴛鴦見則天下大旱

又東北二百里曰剡山多金玉有獸焉其狀如彘而人面黃身而赤尾其名曰合窳音庾其音如嬰兒是獸也食

人亦食蟲蛇見則天下大水

又東二百里曰太山上多金玉植木女植也葉冬不凋沅曰經史證類本

草引此有獸焉其狀如牛而白首一目而蛇尾其名曰楨音貞

行水則竭行草則死見則天下大疫言其體含災氣

也其銘曰蜚之為名體似無害所經枯渴甚於鳩厲萬物斯懼思爾遐逝沅曰此亦與今所傳圖贊異鈞

水出焉而北流注于勞水其中多鱣魚

凡東次四經之首自北號之山至于太山凡八山一千

七百二十三沅曰此下當脫里字

沉曰右東次四經古本為第十四篇

右東經之山志凡四十六山萬八千八百六十里

山海經第四

總校王詒壽分校 沈琮寶校 蔡濟勤

山海經第五

晉 記 室 參 軍 郭 璞 傳

兵部侍郎兼都察院右副御史巡撫陝西等處地方管理軍務兼理糧餉 欽 差 提 督 學 政 沈 新 正

中山經

中山經

沉曰史記注云皇甫謐曰禹都平陽或在安邑或在晉陽故以山西薄山為中山起薄山也

薄山之首

沉曰山在今山西蒲州府南史記封禪書云薄山者襄山也徐廣曰蒲坂縣有襄山水經

注引此作蒲山者蒲

曰甘棗之山

沉曰水經注引此作甘桑括地志云蒲州

薄音之緩急通也

河東縣雷首山一名中條山亦名歷山亦名首陽山亦

名蒲山亦名襄山亦名甘棗山亦名豬山亦名獨頭山亦亦名吳山此山西起雷首山東至吳坂凡十二名隨州縣分之見史記正義又云一名渠山一名條山又一作

甘其水出焉音恭沅曰水經注云蓼水出襄山蓼谷西

棘水相扶今水當而西流注于河其上多柎木其下有草

焉葵本而杏葉楷葉黃華而莢實名曰籜他落反可以已

膏音盲有獸焉其狀如猓鼠沅曰玉篇以猓為古文獨字

俱與郭音異而文題猓鼠所未詳音其名曰難音那或

疑當為吠字沅曰難字說文所無見玉食之已瘕

又東二十里曰歷兒之山沅曰即歷山也在今蒲州府

山舜所耕處也括地志云蒲山亦南水經注云河東郡南有歷

名歷山即此經云歷兒者語之緩其上多榲木音厲

沉曰榲字說文所無見玉篇云木名實如栗案此云如揀不同是木也方莖而員葉黃

華而毛其實如揀揀木名子如指頭白而黏食之不忘

又東十五里曰渠豬之山沅曰即渠山也括地志云雷

名豬山經文說此去薄山方三十五里蓋薄山之異名其上多竹渠豬之水出焉

而南流注于河沅曰水經注云永樂澗水北出于薄山

案中山經即渠豬之水也元和郡縣志云永樂縣永樂

澗水源出條山經縣東一里又南入河太平寰宇記云

永樂縣渠豬水一名蓼水今名百丈澗其中是多豪魚

狀如鮪鮪似鱧也赤喙尾赤羽可以已白癬

又東三十五里曰蔥蘢之山其中多大谷是多白堊黑

青黃堊言有雜色堊也

二

又東十五里曰淩山音倭沅曰淩字說文所無見玉篇云山名也其中多赤

銅其陰多鐵

又東七十里曰脫扈之山沅曰自此至吳林山皆雷首之連麓有草焉其

狀如葵葉而赤華莢實實如椶莢今椶木莢似阜莢也名曰植楮

可以已瘋瘋癩也淮南子曰狸頭已瘋也食之不眯沅曰瘋當為鼠傳瘦也今譌作病据

太平御覽改

又東二十里曰金星之山多天嬰其狀如龍骨可以已

瘞癰瘞也

又東七十里曰泰威之山其中有谷曰梟谷其中多鐵

或無谷字

又東十五里曰檀谷之山其中多赤銅或作檀谷之山

又東百二十里曰吳林之山沅曰即括地志云雷首山一名吳山也在今山西平

陸縣其中多蕞草亦管字沅曰說文云蕞草出吳林山即此

又北三十里曰牛首之山今長安西南有牛首山上有館下有水未知此是非沅曰

太平寰宇記長安志直以此為雍州鄠縣之牛首山非也此是中山經則山當在今山西浮山縣境霍太山之南案其道里皆合故知非鄠縣之山太平寰宇記云神山縣黑山在縣東四十四里一名牛首今名烏嶺山

有草焉名曰鬼草沅曰疑當為菟草其葉如葵而赤莖其秀如

禾服之不憂勞水出焉沅曰太平寰宇記長安志以此為鄠縣之潞水非也見下水經

注又太平寰宇記云臨汾縣潞水源出烏嶺山俗名長壽木今水出山西浮山縣經平陽府城西北入于汾是而西流注于潞水

音如譎詐之譎沅曰水經注云黑水

會引此文云云疑是水也潞水即巢山之水也潞水合亂流

南出巢山東谷北逕浮山東又西北流與潞水合亂流

西北逕高梁城北西流入于汾水元和郡縣志云臨汾

縣潞水今名三交水東自襄陵縣界流入襄陵縣潞水

在縣北十五里太平寰宇記云洪洞縣潞水源出縣東

南巢山在縣北十五里今水出山西襄陵縣卧龍山也

是多飛魚其狀如鮒魚食之已痔術

沅曰術字說文所無見玉篇云下也

又北四十里曰霍山

今平陽永安縣廬江濳縣晉安羅

霍為名者非一矣案爾雅大山繞小山為霍沅曰郭引

三霍山無以定之此是中山經又在牛首山北則永安

爾雅謂之霍山史記謂之霍太山元和郡縣志云洪洞

縣霍山在縣東北三十里霍邑縣霍山在縣東二

十里沁源縣霍山在縣西七十里案皆一山也

其木

多穀有獸焉其狀如狸而白尾有鬣名曰鼯鼯

沅曰此字从肉

从月未詳郭音

以為从月也

養之可以已憂

謂蓄養之也普味反

又北五十二里曰合谷之山

沅曰玉篇引此作金谷

是多薺棘

詳

音瞻沅曰薺字說文所

無見玉篇云丁敵切

又北三十五里曰陰山

亦曰險山沅曰案其道里及所

出水疑即縣山山在山西祁縣

沁源二

多礪

沅曰礪石中磨者

少水出焉

沅曰水

經注云

沁水又逕沁水縣故城北春秋

其中多彫棠其葉如榆

之少水也又云少水今沁水

葉而方其實如赤菽

菽豆沅曰菽

食之已聾

字當為叔

字當為叔

字當為叔

字當為叔

字當為叔

字當為叔

字當為叔

又東北四百里曰鼓鐙之山

沉曰即鼓鍾山在今山西垣曲縣鍾鐙聲形皆相近

水經注云平水南流歷鼓鍾上峽水廣一十許步南流

歷鼓鍾分為二澗一水歷治官西世人謂之鼓鍾城

之左右猶有遺銅及銅錢也即此山而多赤銅

引中次七經鼓鍾山蓋酈元之疏也

云有治官遺銅則知古者治有草焉名曰榮草其葉如

柳其本如雞卵食之已風

凡薄山之首自甘棗之山至于鼓鐙之山

沉曰此自山至平陽太原府也其山多可考

凡十五山六千六百七十里歷兒豕也

其祠禮毛太牢之具縣以吉玉

縣祭山之名也見爾雅

其餘十三山者毛用一羊縣嬰用桑封瘞而不糝

桑封者桑主也方其下而銳其上而中穿之加金

神主而祭以金銀飾之也公羊傳曰虞主用桑主或作玉沉曰此條疑周秦人釋語舊本亂入經文今別

中次二經濟山之首曰輝諸之山其上多桑其獸多閭

麋其鳥多鷓

似雉而大青色有毛勇健鬪死乃止音遏出上黨也

又西南二百里曰發視之山其上多金玉其下多砥礪

沉曰當為厲

即魚之水出焉而西流注于伊水

又西三百里曰豪山其上多金玉而無草木

又西三百里曰鮮山

沉曰爾雅云小山別大山鮮是其義水經云伊水東北過郭落山注

云有鮮水出鮮山山當在今河南嵩縣

多金玉無草木鮮水出焉而北流

注于伊水

沉曰水經注云陽水入伊水伊水又東北鮮水入焉水出鮮山北流注于伊水水當在今

河南嵩縣界

其中多鳴蛇其狀如蛇而四翼其音如磬見則

其邑大旱

又西三百里

沉曰此三百里當為三十里

曰陽山

沉曰水經伊水又東北過郭落山注

有陽山云世人謂之太陽谷隋書地理志云陸渾有陽山當在今河南嵩縣

多石無草木陽

水出焉而北流注于伊水

沉曰水經注云陽水出陽山陽谿世人謂之太陽谷水亦

取名焉東流入伊水水在今河南嵩縣

其中多化蛇

沉曰廣雅云中央有蛇焉人面豺身鳥翼

蛇行名曰化蛇出此

其狀如人面而豺身鳥翼而蛇行其音如叱

呼見則其邑大水

又西二百里曰昆吾之山其上多赤銅

此山出名銅色赤如火以之作

刀切玉如割泥也周穆王時西戎獻之尸子所謂昆吾之劍也越絕書曰赤堇之山破而出錫若邪之谷澗而

出銅歐冶子因以為純鈞之劍汲郡冢中得銅劍一枝長三尺五寸乃今所名為干將劍汲郡亦皆非鐵也明

古者通以錫雜銅為兵器也

有獸焉其狀如彘而有角其音如號

號名曰蠶蜺

上已有此食之不昧

又西百二十里曰茲山

音聞沉曰水經注云鸞川亭北有茲山當在今河南

盧氏縣西南

茲水出焉而北流注于伊水

沉曰水經注云伊水自熊耳山東北

逕鸞川亭北鸞水出茲山北流際其城東而北入伊水世人謂伊水為鸞水茲水為交水故名斯川為鸞川也其上多金玉其下多青雉黃有木焉其狀如棠而赤葉名曰芒草音忘可以毒魚

又西一百五十里曰獨蘇之山無草木而多水

又西二百里曰蔓渠之山沅曰即閭頓山在今河南盧氏縣東南百六十里水經云

伊水出南陽魯陽縣西蔓渠山其上多金玉其下多竹箭伊水出焉沅曰

水出今河南盧氏縣蔓渠山山在熊耳山西郭云出上洛盧氏縣熊耳山者本地志水經注云淮南子曰伊

水出上魏山地理志曰出熊耳山即麓大同陵巒互別是也而東流注于洛今伊水出上洛

盧氏縣熊耳山東北有獸焉其名曰馬腹其狀如人面

虎身其音如嬰兒是食人

凡濟山經之首自輝諸之山至于蔓渠之山沅曰此經之山在河

南府凡九山一千六百七十里其神皆人面而鳥身祠

用毛擇用毛色用一吉玉投而不糝

沅曰右中次二經古本為第十六篇

中次三經蕢山之首沅曰國語云主芣隗而食溱洧隗即新安縣隗山芣蕢古音通疑此

也曰敖岸之山或作獻蕢音倍沅曰春秋傳云其陽多

璵璠之玉其陰多赭黃金神熏池居之是常出美玉或

石北望河林其狀如蒨如舉說者云蒨舉皆木名也未詳蒨音倩有獸焉

其狀如白鹿而四角名曰夫諸見則其邑大水

又東十里曰青要之山沉曰山在今河南新安縣西北

之疆山實惟帝之密都爾雅云山如堂者密北望河曲

河至函谷一小曲也沉曰是多駕鳥未詳也或曰駕宜南

望墀渚水中小洲名渚墀音填一音暖沉曰水經注云

里佳饒魚葦引此經云云鮪化羽淵而復在此世謂此

又案舊本傳文脫一音暖禹父之所化鮪化於羽淵為

三字今据水經注增入黃熊今復云在

此然則一已有變怪之是多僕纍蒲盧僕纍蝸牛也爾

性者亦無往而不化也武羅神名魑即神字沉

也蒲盧者蜃是魑武羅司之曰此神偶與商臣同名

耳高誘注淮南子云天神曰神人神曰其狀人面而豹

鬼疑魑从鬼人神字神从示鬼神字

文小要沉曰舊本而白齒或作而穿耳以鑿鑿金銀器

也音渠沉曰鑿說文虞或字也借為其鳴如鳴玉如人

穿耳之鑿說文新附引此作璩非其鳴如鳴玉鳴玉

佩是山也宜女子吟水出焉音軫沉曰水經注云河水

出新安縣青要山其水北流入河引此而北流注于河

經云云即是水也水在今河南新安縣而北流注于河

其中有鳥焉名曰鸛音如窈窕之窈沉曰爾雅云鸛頭

江東謂其狀如鳧青身而朱目赤尾食之宜子朱淺有

之魚鵠其狀如鳧青身而朱目赤尾食之宜子朱淺有

草焉其狀如蕞管似而方莖黃華赤實其本如藁本根

又東十里曰驪山音巍沉曰山當在今河南新安縣西北即青要山東阜水經注云驪山疆

山東阜也國語其上有美棗其陰有璵璠之玉正回之

水出焉沉曰水經注云河水與畛水合又東正回之水入焉水出驪山東流俗謂之疆川水與石瓜疇

川合又東逕疆冶鐵官東東北流而北流注于河其中

多飛魚其狀如豚而赤文服之不畏雷可以禦兵

又東四十里曰宜蘇之山沉曰山在今河南孟津縣界水經注云庸庸水出河南垣

縣宜蘇山案垣當為東垣太平寰宇記云河清縣其上

多金玉其下多蔓居之木未詳庸庸之水出焉音容而北流

注于河沉曰水經注云河水東正回之水入焉又東合庸庸之水水出河南垣縣宜蘇山俗謂之長泉

水伊洛門也其水北流分為二水一水北入河一水又東北流注于河太平寰宇記云河清縣瀟瀟水在縣西

南六是多黃貝十里

又東二十里曰和山沉曰山當在今河南孟津縣界水經注云河水東逕平縣故城北有

孟津之目又東澳水入焉引此經云云呂氏春秋曰夏后氏孔甲田於東陽負山皇甫謐帝王世紀以為即東

首陽山也蓋是山之殊目矣今於首陽東山其上無草

無水以應之當是今古世殊川域改狀矣

木而多瑤碧實惟河之九都九水所潛是山也五曲沉曰水經

重九水出焉合而北流注于河其中多蒼玉注引此作

陽吉神泰逢司之吉猶善也沉曰玉篇有禱字云神名廣韻云禱大黃黃山神能動天地氣

昔孔甲遇之其狀如人而虎尾或作雀尾是好居于黃山之陽出入有光

泰逢神動天地氣也

言其有靈爽能興雲雨也夏后孔甲田於黃山之下天大風晦

冥孔甲迷惑入於民室見呂氏春秋也沅曰此疑周秦人釋語舊本亂入經文今別行

凡黃山之首自敖岸之山至于和山

沅曰其山當在今河南河南新安孟

津三縣界

凡五山四百四十里其祠泰逢熏池武羅皆一牡

羊副

副謂破羊骨磔之以祭也見周禮音惛幅之幅沅曰副周禮大醜辜作醜本字當作穊見說文云以

肉火乾

嬰用吉玉其二神用一雄雞瘞之精用稌

沅曰右中次三經古本為第十七篇

中次四經釐山之首

音狸

曰鹿蹄之山

沅曰山在今河南宜陽縣東南一名

非山水經注云山在河南陸渾縣故城西北俗謂之修

山又云世謂之非山其山陰峻絕百仞陽則原阜隆平

太平寰宇記恒農縣有鹿蹄山九州要記云山中石上

有自然鹿跡非人功所為又云玉城縣鹿蹄山在縣西

南二里其上多玉其下多金甘水出焉而北流注于洛

水經云甘水出宏農宜陽縣鹿蹄山注云水之所導發

于山曲之中世人目之為甘棠東北流北屈逕故城東

在非山上又與非山水會又于河南城西北其中多泠

石泠石未聞也泠或作涂沅曰泠石即

西五十里曰扶豬之山沅曰山在今河南宜陽縣鹿蹄

山也經云西者蓋在西北又其上多礪石音栗今鴈門

案玉篇引此作狀臄之山非

者如水半有赤色者沉曰礪當為礪說文云礪石次玉者玉篇引此又作璵非傳半有赤色舊本作水中有赤色今据玉有獸焉其狀如貉而人目貉或作獾古字沉篇改正是郭義也經云人目其名曰麇音銀或作麇沉曰說文玉篇引作八目非

號水出焉而北流注于洛沉曰水經注云洛水枝瀆逕河南縣王城西又東出關惠

水右注之又與號水會水出其中多璫石言亦出水中扶豬之山北流注于洛水

又西一百二十里曰釐山沉曰山在今河南嵩縣西其陽多玉其陰

多蒐音拔茅蒐今之菑草也有獸焉其狀如牛蒼身其音如嬰兒

是食人其名曰犀渠瀟瀟之水出焉而南流注于伊水

沉曰水經云伊水東北過陸渾縣南注引此經云云今水出陸渾縣之西南王母澗澗北山上有王母祠故世因以名谿東流注于伊水即瀟瀟之水也又案瀟字說文所無見玉篇有獸焉名曰獺音韻之韻沉曰即獺也文選郭璞賦有獺獺李善注引此字亦作獺案獺字說文玉篇所無當只作頡或作獺

其狀如獺犬沉曰李善注文選引此作獺無犬字云獺怒如珠切今案經文作獺是也說文云獺怒

犬兒讀若樛而有鱗其毛如彘鬣生鱗間也

又西二百里曰箕尾之山沉曰疑即箕山史記所云有許由冢者在今河南登封縣

東南則在釐山之東二百里多穀多涂石沉曰上鹿蹄

傳云或作涂此云多涂石案說文云涂或其上多璫琇

之玉沉曰璫未詳何字之別或當為璫

又西二百五十里曰柄山其上多玉其下多銅滔雕之

水出焉而北流注于洛沉曰此山此水及下白邊山案

境徧考經傳無著聞焉或恐其中多羶羊沉曰羶字有

木焉其狀如樗其葉如桐而莢實其名曰菱可以毒魚

菱一作艾

又西二百里曰白邊之山其上多金玉其下多青雄黃

沉曰青及雄黃二物也

又西二百里曰熊耳之山今在上洛縣南沉曰郭說是

河南盧氏縣西南洛所經也故經不云洛出山在洛水

北過盧氏縣南注云鳴渠水出南陽渠山即荀渠山也荀渠蓋熊耳之殊稱也又云均水發源宏農郡之盧氏縣熊耳山山南即修陽葛陽二縣界也齊桓公召陵之會西望熊耳即此山也括地志云熊耳山在虢州洛所經見史記正義又云在虢州盧氏縣南五十里此皆經文所稱之熊耳山也又有熊耳山在河南宜陽縣西山在洛水之北地志云盧氏熊耳山在東鄭注尚書同在洛水之北宜陽之西水經云洛水東北過宜陽縣南注云洛水之北有熊耳山此自別山不與禹貢導洛自熊耳同也昔漢光武破赤眉樊崇積甲仗與熊耳平即是山也考盧氏東即宜陽西班固所說只一山水經注云在洛北也又有熊耳山在商州西則是誤會禹貢導洛之文而以瀘舉為之淮南子洛出熊耳高誘注云熊耳山在京兆上洛縣西北此又一山與班固不合也又荆州記云順陽益陽二縣東北有熊耳山東西各一峯如熊耳狀因以為名齊桓公太史公登之或云宏農熊耳非也見史記索隱顏師古注漢書云熊耳山在順陽縣北益陽縣東非禹貢所云導洛自熊耳者也其山兩峯

狀若熊耳因以為名也案此二說似又有一熊耳然考水經注云盧氏熊耳山即齊桓公所登山南即修陽葛陽二縣界恐與盧氏之山為一也經云熊耳在謹舉東六百五十里又有浮豪之水出故案之水經注定以為是盧氏洛南二縣界洛水南之山也其上多漆其下多椶浮豪之水出焉

沉曰豪舊本作濠非今据水經注及劉昭注郡國志改正水經注云洛水逕陽渠關北陽渠水出南陽渠山其水一源兩分川流半解一水西北流屈而東北入於洛引此經云云疑即是水也今案河南盧氏縣北有鐵嶺是陽渠山浮而西流注于洛其中多水玉

沉曰劉昭注郡國志引此而西流注于洛其中多水玉

作美 多人魚有草焉其狀如蘇而赤華名曰葶薺

玉 多人魚有草焉其狀如蘇而赤華名曰葶薺

二音沉曰二字說文所無見玉篇云細草案爾雅釋草云胸葶薺郭云未詳說文云葶薺胸也疑即此葶薺草

熒音 可以毒魚

同也

又西三百里曰牡山

沉曰爾雅疏引此作牡山藏經本作牡山其上多文石

其下多竹箭竹簞

沉曰當為媚其獸多牝牛羱羊

為鳥多赤鷩

音閉即鷩雉也

又西三百五十里曰謹

沉曰劉昭注郡國志引此作謹舉之山

沉曰山

西維南縣西北海內東經云洛水出上洛西山水經云洛水出京兆上洛縣謹舉山地志云上洛西山水經云出豕領山今方志云豕領即謹舉山也山在今商州西

北一領山今方志云豕領即謹舉山也山在今商州西

形相似劉昭引經又作護沅案水經注又云洛水出謹

舉山之東歷清池山自合門水要水又東與獲水合水

南出獲輿山是為二山地志亦云獲輿山則在縣西

北漢上維郡今維南是而洛水所出謹舉山則在縣西

北其不得為

一山明矣

洛水出焉

沉曰舊本作洛水出今陝西洛

南縣西北豕領山自渭南縣界流五里入縣而東北流

境俗名洛水泉爾雅水原曰泉是其源也

注于元扈之水沉曰水經注云洛水會於龍餘之水又

虛之下案元扈之水俗稱黑潭也在今陝西雜

南縣西八十里東流逕楊虛之山南入于洛其中多

馬腸之物此二山者洛間也洛水今出上洛縣豕領山

也沉曰元扈山與謹舉山為二也

凡釐山之首自鹿蹄之山至于元扈之山沉曰此經之

南府西至陝凡九山通與謹舉為九山之次焉是知元

扈之水出於元扈之山蓋山水兼受其目矣千六百七十里其神狀皆人面

獸身其祠之毛用一白雞祈而不禘言直祈禱沉曰以

采衣之以彩飾雞沉曰舊本采作彩俗字今改正

沉曰右中次四經古本為第十八篇

中次五經薄山之首沉曰此薄山即山西蒲州山中次

也次曰苟牀之山或作苟無草木多怪石怪石似玉也書

東三百里曰首山沉曰疑即蒲州首山水經注云黃帝

在馮翊首山在蒲其陰多穀柞草多菜芫芫華中藥其

坂與湖縣相連

陽多瑋琤之玉木多槐其陰有谷曰机谷多馱鳥音如

之缺沉曰馱字說其狀如梟而三目有耳其音如錄沉

文所無見玉篇其狀如梟而三目有耳其音如錄日

玉篇引此食之已墊未聞沉曰玉篇引此作亡熱然郭

作如豕食之已墊云未聞則古本竟作墊也又案九

山每經第五

古

經字樣云載音店寒也傳曰載隘今經典相承作  
墊則墊又店字假音當讀如齊疾疥遂店之店

又東三百里曰縣鬪之山音如斤無草木多文石

又東三百里曰蔥蘢之山無草木多摩石未詳沉曰摩當為珠說文

次玉

東北五百里曰條谷之山其木多槐桐其草多芍藥薹

冬本草經曰薹冬一名滿冬今作門俗作耳沉曰薹當為薹省文也

又北十里曰超山其陰多蒼玉其陽有井冬有水而夏

竭

又東五百里曰成侯之山其上多標木似樗樹材中車轅吳人呼樗音

輻車或曰輻車沉曰說文云樗或作樗則即樗也其草多芄沉曰說文云芄草盛也

又東五百里曰朝歌之山沉曰山疑在今河南淇縣古朝歌地也朝歌或當讀如悼

澗以地多水名之非始自谷多美璽

又東五百里曰魏山沉曰此云又東當是薄山之東五百里亦太遠也魏當為魏即魏字

古文見說文形相近字之誤也稷山在今山西稷山縣

杜預注左傳云河南閭喜有稷山元和郡縣志云稷山縣稷山在縣南五十里太平寰宇記云安邑縣稷山在縣東北六十七里舊名玉山后稷播時百穀于此遂以

名山東自陝府夏縣界經縣谷多金錫

又東十里曰歷山沉曰即蒲州其木多槐其陽多玉

又東十里曰尺山沉曰此云東十里當錯簡也山當在今陝西洛南縣北水經注云洛水與

丹水合又東尸水注之水北發尸山南流入洛尸作戶與此異多蒼玉其獸多麋而小黑色沉曰郭說非也爾雅麋大鹿說文云牛尾一角或从京則此是大鹿凡云京皆大也郭義失之尸水出焉南注流于洛水沉曰水經注作尸水水當在今洛南縣界疑卽今縣西北階谷川也其中多美玉

又東十里曰良餘之山沉曰山在今陝西華陰縣西南二十里太平寰宇記云華陰縣

餘糧山在縣西南三十里作餘糧同其上多穀柞無石餘水出於其陰而

北流注于河沉曰水經云渭水又過鄭縣北注云渭水又東餘水注之水南出良餘山之陰北流

入於渭俗謂之宣水也經云注河者蓋合渭而入河乳水出于其陽而東南流注

于洛沉曰水經注云尸水入洛洛水又東得乳水水北出良餘山南南流注于洛今山在華陰洛南二縣

界有水名構谷川南流至洛南縣保安邨入洛楚人言構乳音相近疑卽乳水也志家以良餘山爲秦望山在商州南乳水爲楚水則大誤也

又東南十里曰蠱尾之山沉曰山亦見水經注作蠱尾當在今陝西洛南縣南俗失

其名多礪石沉曰同屬赤銅龍餘之水出焉而東南流注于洛

沉曰水經注云洛水得乳水又東會于龍餘之水水出蠱尾之山東流入洛今不詳此水何名也

又東北二十里曰升山沉曰山當在今陝西華陰縣西南卽太平寰宇記之車箱谷

其木多穀柞棘其草多諸蕒蕒蕒香草也多寇脫寇脫草生南方高丈

許似荷葉而莖中有瓢正白零黃酸之水出焉而北流

桂人植而日灌之以爲樹也沉曰水經注云渭水東合黃酸之水世名之爲注于河沉曰水經注云渭水東合黃酸之水世名之爲

西南車箱谷北水出而北流逕長城鋪右合仙  
谷水北入于渭經云入河亦合渭而入河也 其中多

璇玉 石次玉者也荀卿曰璇玉瑤珠不  
知佩璇音旋沉日當為璇見說文

又東十二里曰陽虛之山 沉日山在今陝西洛南縣水  
經注云洛水東至楊虛山合

元扈之水又曰元扈之水逕於楊虛之下隋書地理志  
洛南有楊靈山靈當為虛山在升山西南經云又東未

詳也 多金臨于元扈之水 河圖曰蒼頡為帝南巡狩登楊  
虛之山臨於元扈洛水靈龜負

書丹甲青文以授之出此水中也沉日水經注引此本  
有是為洛納四字今本無之元扈山在今陝西雒南縣

西北隋書地理志云雒南有元扈山太平寰  
宇記云雒南縣元扈山在縣西北一百里

凡薄山之首自苟林之山至于陽虛之山 沉日此經之  
山自山西蒲

州府西南至于 陝西商州也 凡十六山二千九百八十二里升山冢

也其祠禮太牢嬰用吉玉首山魃也其祠用秬黑犧太

牢之具釃釀 以釃作  
醴酒也 干舞 干舞萬舞干楯也沉  
日當為舞此俗字 置鼓 擊

以 嬰用一璧尸水合天也 天神之  
所馮也 肥牲祠之用一黑犬

于上用一雌雞于下刳一牝羊獻血 以血祭也刳猶割  
也周禮曰刳毋奉

犬 嬰用吉玉采之 又加以繪彩之飾也  
沉日舊本作彩字俗 饗之 勸強之也  
特牲饋食

禮曰執奠  
祝饗是也

沉日右中次五經古本為第十九篇

中次六經縞羝之首曰平逢之山 沉日山即北邙山在  
今河南河南府西南

太平寰宇記云河南縣芒山在縣地十里一  
名平逢山亦邾山之別名水經注引作蓬 南望伊洛

東望穀城之山

在濟北穀城縣西黃石公石在此山下張良取以合葬耳沉曰郭云在濟北非

也山在河南洛陽縣西北左傳單子伐穀城杜預曰在縣西至漢為縣或俱以山得名與無草木無

水多沙石有神焉其狀如人而二首名曰驕蟲是為螫

蟲

為螫蟲之長

實惟蜂蜜 沉曰蜂當為蠶此省文蜜本字為蠶此或作字見說文也 之廬

言羣蜂之所舍集蜜赤蜂名也

其祠之用一雄雞禳而勿殺

禳亦祭名謂禳卻惡

西十里曰縞羝之山無草木多金玉

又西十里曰廆山

音如瓌偉之瓌沉曰廆即瓌字省文山當在今河南河南縣西隋地理志

新安有魏山有孝水魏廆音同也新安與河南接壤

其陰多璵璠

沉曰璠當為璠 之玉其

西有谷焉名曰灌谷其木多柳楮其中有鳥焉狀如山

雞而長尾赤如丹火而青喙名曰鴝鵒

鈴要二音沉曰即脊令也詩傳

云飛則鳴行則搖搖鸚聲相近俗寫為此字詩脊令字亦不从鳥

其鳴自呼服之不昧

交觸之水出于其陽

沉曰舊本作交觸水經注引此作交觸云洛水東出關惠水右注之

惠水又東南謝水東南流又有交觸之水北出廆山南流俱合惠水惠水又南流逕關城北二十里案此水名

交觸者以入惠之處適當謝水之交也

而南流注于洛

沉曰水經注云合惠水而入洛經云

入洛者

俞隨之水出于其陰

沉曰水經注云少水注於穀穀水又東俞隨之水注

質辭之引此經云云世謂之孝水也潘岳西征賦藻孝水以濯纓美嘉名之在茲是水在河南城西十餘里又字林

日孝水在河南郡見李善文選注水今在河南新安縣東一十二里東入澗

而北流注于穀

水沅曰水經注云孝水戴延之言在函谷關西劉澂之  
又云出檀山檀山在宜陽縣西在穀水南無南入之  
理考尋茲說當承  
緣生述征謬誌耳

又西三十里曰瞻諸之山沅曰山當在今河南河南縣  
西見水經注玉篇引此作瞻

渚其陽多金其陰多文石音謝沅曰謝水經  
注引此作謝以郭

音言之當是晉時已有謝字也謝字說文所無見玉篇  
水經注云洛水自枝瀆出關惠水右注之惠水又東南

溯水北出瞻諸而東南流注于洛沅曰按水經注溯水  
會交觸之水南流俱

合惠水逕關城北二十里又南沅曰水  
流入於洛水經逕言入洛質也少水出于其陰經注云

波水注于穀穀水又東少水注之引此經云云控引眾  
谿積以成川東流注于穀世謂之慈澗也又云今孝水

東十里有水世謂之慈澗又謂之澗水按山  
海經則少水也而非澗水蓋習俗之誤耳而東流注

于穀水世謂慈澗沅曰此傳疑  
後人以水經注附入

又西三十里曰婁涿之山沅曰山當在今  
河南永寧縣無草木多金

玉瞻水出于其陽沅曰水經注云惠水出白石山之陽  
東南流與瞻水合水東出婁涿之山

而南流而東流注于洛沅曰蓋入惠  
皮水出于其陰世

入惠水而東流注于洛沅曰蓋入惠  
皮水出于其陰世

之百荅水沅曰波舊本作陂今据水經注改正傳所云  
云非郭語也水經注云澗水注于穀穀水又東波水注

之世謂之百荅而北流注于穀水其中多砒石文石  
水北流注于穀

又西四十里曰白石之山沅曰山在今河南滎池縣東  
北二十三里水經云澗水出

新安縣南白石山注云世謂是山曰廣陽山太平寰宇  
記云滎池縣廣陽山在縣東北二十里亦名沔池山

惠水出于其陽沅曰水經注云洛水自枝瀆又東出關  
惠水右注之世謂之入關水戴延之西

征記謂之入關澤出白石山之陽東南流與瞻水合又東南謝水東南流又有交觸之水南流俱合惠水惠水又南流逕關城北二十里者也其城西阻塞垣東枕惠水其水又南流入於洛水按其水在今河南新安縣東也東南流注于洛沉曰舊本東作而其中多水玉澗水

出于其陰書曰伊洛澶澗沉曰說文云澗水出宏農新

山水經注云世謂是水曰赤岸水亦曰石澗又云廣陽

川水出廣陽北山括地志云澗水原出洛州新安縣東

白石山東北與穀水西北流注于穀水沉曰說文水經

合流見史記正義引此無西字云穀水東經缺門山自門而東廣其中多

陽川水注之則是合穀而入洛云入穀是也

麋石櫨丹皆未聞沉曰說文云宅櫨

又西五十里曰穀山沉曰山在今河南澠池縣南見水

經注太平寰宇記云澠池縣穀山

在縣南其上多穀其下多桑爽水出焉世謂之紆麻澗

八十也水經注云穀水東北逕函谷關城東右合爽而西北

水引此經云云世謂之紆麻澗北流注于穀

流注于穀水其中多碧綠

又西七十二里曰密山今滎陽密縣亦有密山疑非也

沉曰水山在今河南新安縣水

經注云洛東逕九曲南其陽多玉其陰多鐵豪水出焉

豪水出新安縣密山沉曰水經注云洛水東逕九曲南又東

而南流注于洛與豪水會南流歷九曲東而南流入于

洛今宜陽縣東三其中多旋龜其狀烏首而鼈尾其音

十里有九曲城也

如判木無草木

又西百里曰長石之山沉曰山在今河南新安縣新唐

書地理志云新安有長石山太

平襄字記云容州陸州縣  
鳴石山引此云卽是非也  
無草木多金玉其西有谷焉

名曰其谷多竹其水出焉西南流注于洛  
沅曰洛水東

南又東共水入焉共水南流得尹谿口其水在西南與  
左澗水會又南與李谷水合其水世謂石頭泉而西流

注于其中多鳴石  
晉永康元年襄陽郡上鳴石似玉色

洛正鄉有鳴石二所其一狀如鼓俗因名爲  
石鼓卽此類也沅曰郭說非也言可以爲磬

又西一百四十里曰傅山  
沅曰山在今河南宜陽縣西

故城南又東厭梁之  
水出縣北傅山大波無草木多瑤碧厭梁  
沅曰舊本作

引此之水出于其陽而南流注于洛  
沅曰洛水東與厭

梁北流屈而東注世謂之五延水又東  
南流逕宜陽縣故城東東南流注于洛其中多人魚其

西有林焉名曰潘冢  
音番沅曰水經云穀水出宏農澗

穀水出于嶠東馬頭山穀陽谷元和郡  
縣志云永寧縣穀陽山在縣北五十里穀水出焉而東

流注于洛  
今穀水出穀陽谷東北至穀城縣入洛河

二里水今在河南其中多珉玉  
未聞也珉音璉沅曰廣

永寧縣北七十里其中多珉玉  
雅云珉珉玉曹憲音渠

與廣雅合也然說文無珉字水經注引此又作珉  
又西五十里曰橐山  
沅曰山在今河南陝州東五十里

有橐山其木多樗  
沅曰樗當爲杼說文

出橐山其木多樗  
沅曰樗當爲杼說文

七八月中吐穗穗成如有鹽粉著狀可以酢羹音備沅  
日郭說非也管子地員篇云高陵土山命曰縣泉其地  
不乾其木乃楠是其義楠字說文所無見玉篇又案說  
文楠乾也此蓋乾木疑當借楠爲之又太平御覽引此

音謾

其陽多金玉其陰多鐵多蕭

蕭蒿見爾雅

橐水出焉

而北流注于河

沅曰水經注云橐水出橐山西北流出谷謂之漫澗西逕陝縣故城南又西北

逕陝城西北

入于河水今在河南陝州城南一名永定澗亦曰漫澗以其流遲

其中多脩辟

之魚狀如龜

屬也

而白喙其音如鴟食之已白癩

又西九十里曰常烝之山

沅曰山當在今河南陝州水經注云常烝之山俗謂之干

南山在陝城

無草木多望漣水出焉

音漣沅曰亦焦水也水經注云河水

東合漣水

水導源常烝之山其川二源雙導同注一壑而西北流注于河括地志云焦城在陝城內東北百步

因焦水為名周同姓所封見史記正義案經字亦作譙云

而東北流注于河其中多

蒼玉菑水出焉

沅曰亦曹水也水經注云會水西北流入于河河水又東菑水注之水出常烝

之山西北逕曲沃城南又屈逕其城西西北入河又云

潘岳西征賦曰憩於曹陽之墟以山海經求之菑曹字

相類是或有曹陽之名顏師古注漢書云曹水出

陝縣西南峴頭山而北流入河今謂之好陽澗

流注于河

又西九十里曰夸父之山

沅曰山一名秦山在今河南靈寶縣東南水經注云槃澗

水出湖縣夸父山在縣南三十五里其木多欒栲多竹箭

其獸多牝牛羴羊其鳥多鷲其陽多玉其陰多鐵其北

有林焉名曰桃林

沅曰今在河南閩鄉縣舊閩鄉春秋傳有桃林之塞高誘注呂氏春秋云

桃林蓋在華陰西長城是水經注云三秦記曰桃林塞

在長安東四百里晉灼云在宏農南閩鄉中應劭十三

州記云宏農有桃邱聚古桃林見史記索隱括地志云

桃林在陝州桃林縣西至潼關皆為桃林塞也見史記

正義是廣員三百里其中多馬桃林今宏農湖縣闕鄉南谷中是也饒野馬山羊山

牛也沅曰案史記云造父取桃林盜驪綠耳獻之穆王也湖水出焉而北流注于河

沅曰水經注云湖水出桃林塞之夸父山又北逕湖縣

有龍垂胡篲下迎黃帝百姓仰望黃帝既上乃抱其弓

與龍胡篲故後世因其地曰鼎胡括地志曰湖水原

出虢州湖城縣南二十五里夸父山北流入河即鼎湖

也見史記正義案此知湖縣之名以此水此水之名又

以黃帝也水在沅曰瑠字說文玉篇所今闕鄉縣西其中多瑠玉無疑當為瑠廣雅有之

又西九十里曰陽華之山沅曰今名陽華藪在陝西華陰縣東南至潼關是也呂氏

春秋九藪云秦之華陽高誘注云或在華陰西又云桃

林西長城是也秦地道記云潼關是也案爾雅云秦有

陽陝海內北經云陽汗之山淮南子云其陽多金玉其

禹治水以身解於陽盱之河皆即此

如瓜其味酸甘食之已瘡楊水出焉而西南流注于洛

沅曰水經注云門水東北歷鴻關又東北歷邑川二水注之左水出於陽華之陽東北流逕盛牆亭東東北流

與右水會案經云注洛蓋合緒其中多人魚門水出焉

姑之水入門水又注于洛也其中多人魚門水出焉

而東北流注于河沅曰水經注云河水合柏谷水又東右合門水門水又北逕宏農縣故城

東其水側城北其中多元礪黑砥石緒姑之水出于其

流而注於河沅曰舊本無北字流注于門水沅曰水

陰緒音而東北今据水經注有流注于門水沅曰水

左水出於陽華之陽東北流與右水合右水出陽華之

陰東北流逕盛牆亭東東北與左水合即山海經所謂

其上多銅門水出于河七百九十里入洛水

沅曰水經注云洛水

合武里水又東門水出焉爾雅所謂洛別為波也又云門水即洛水之支流者也洛水自上洛縣東北於拒陽城之西北分為二水枝渠東北出為洛水也門水又東北歷楊華之山又東北歷峽謂之鴻關余案上洛有鴻關圍池故謂斯川為鴻臚澗太平寰宇記云恒農縣鴻臚川一名鴻臚澗一名門水在縣西一里西南自朱陽縣界入又東北歷峽謂之鴻關東有城即關亭也又案舊本洛作雒漢改亂之

凡縞羝山之首自平逢之山至于陽華之山

沅曰此經之山自河

南西至陝州又西至陝西華陰也凡十四山七百九十里嶽在其中

安寧

沅曰右中次六經古本為第二十篇

中次七經苦山之首曰休與之山

與或作輿下同沅曰山在今河南靈寶縣

劉昭注郡國志桃林云博物記曰在湖縣休與之山其上有石焉名曰帝臺之棋

帝臺神人名棋謂博棋也沅曰言基址五色而文其狀如鵝卵帝臺之石

所以禱百神者也禱祀百神則用此石服之不蠱有草焉其狀如

蒼赤葉而本叢生名曰夙條可以為箛中箭箛也沅曰當只作榦

東三百里曰鼓鍾之山沅曰山名鍾山在今河南陸渾縣西南三十里別有鼓鍾峽在

山西垣曲縣水經注引此經以為即山西鼓鍾山案其道里非也見中山經鼓鐙山注帝臺之所

以觴百神也舉觴燕會則於此山因名為鼓鍾也今案其山在伊闕西南沅曰已上九字舊本脫

文初學記引郭注有草焉方莖而黃華員葉而三成葉三重也其名

曰焉酸可以為毒治為其上多礪沅曰當其下多砥

又東二百里曰姑媯之山音遙或無之山字沅曰文選注引此作瑤博物志作古魯

山今俗本博物志謂古魯為右詹又案穆天子傳天子至于重璧之臺乃休天子乃周姑絲之水以環喪車疑

即此帝女死焉其名曰女尸沅曰李善注文選云宋玉高唐賦曰我帝之季女名曰瑤

襄陽耆舊傳云赤帝女姚姬未行而卒葬于巫山之陽

化為葛藟沅曰博物志作化為魯草其葉胥成言葉相重也瑤

與葛並音遙沅曰舊本云亦音遙今据文選注引云瑤與葛並音遙其華黃其實如兔邱

免邱兔絲也見爾雅沅服之媚于人為人所愛也博曰日博物志云實如豆

名荒夫草

又東二十里曰苦山有獸焉名曰山膏沅曰即山都也其狀如

逐即豚字沅曰借逐字為之逐又逐省文赤若丹火善噀好罵其上有木

焉名曰黃棘黃華而員葉其實如蘭服之不字字生也易曰女

于貞不字有草焉員葉而無莖赤華而不實名曰無條服之

不瘳

又東二十七里曰堵山神天愚居之是多怪風雨其上

有木焉名曰天楯音鞭沅曰楯說文云楯部方木也以其方莖故名之方莖而葵

狀服者不噎食不噎也

又東五十二里曰放臯之山放或作效又作牧沅曰山在今河南魯山縣北水經

注明水出梁縣西狼臯山引此云云汝水自狼臯山東出峽謂之汝阨也太平寰宇記云伊陽縣鳴臯山在縣南三十里又元和郡縣志云陸渾縣明臯山在縣東北十五里疑非明水出焉南流注于

伊水沅曰水經云伊水又東北過新城縣南注云明水出梁縣西狼臯山俗謂之石澗水西北流逕楊亮

壘南西北合康水亦出狼臯山東北流逕范塢北與明水合又西南流入于伊其中多蒼玉有

木焉其葉如槐黃華而不實其名曰蒙木服之不惑有

獸焉其狀如蜂枝尾而反舌善呼好呼喚也其名曰文文

又東五十七里曰大苦之山沅曰山在今河南登封縣北東者當是東北五十七里亦太近大苦舊本譌作大苦唐宋字書無此字据水經注爾雅注初學記太平寰宇記引此皆作大苦今

從之水經注云狂水出陽城縣之大苦山多瑋琤之玉多

山太平寰宇記云穎陽縣有大苦山麋玉未詳沅曰疑麋當為麋即珣有草焉其狀如榆方

莖而蒼傷其名曰牛傷猶言牛棘其根蒼文服者不厥厥逆氣病

沅曰依義當為歛厥發石字見說文可以禦兵其陽狂水出焉西南流注

于伊水沅曰水經注云狂水出陽城縣之大苦山又西逕綸氏故城南左與倚薄山水合又東入風谿

水注之又西得三交口又西逕當階城南而西流注于

水合又西逕溼陽城南又西逕當階城南而西流注于

伊其中多三足龜今吳興陽羨縣有君山山上有池水中有三足六眼龜鼈龜三足者名賁

出爾雅食者無大疾可以已腫

又東七十里曰半石之山沅曰山在今河南偃師縣東南水經注云伊水又北逕高

山每經第五

三

都城東來儒之水出於半石之山太平寰宇記云緱氏縣半石山在縣南十五里案緱氏今偃師西南境也

其上有草焉生而秀其高丈餘赤葉赤華而不實初生

先作穗卻著葉花生穗間其名曰嘉榮服之者不霆不雷霆霹靂也音廷搏之廷

來需之水出于其陽而西流注于伊水沅曰水經注引此作儒云出於

半石之山西南流逕城輪城北西歷其澗以其水西流

又謂之小狂水也其水又西逕大石嶺南山在洛陽南

又西南逕赤眉城南又西至高都城東西入伊水

謂之曲水也案其地當在今河南洛陽伊陽之界其中

多鱸魚音倫黑文其狀如鮒食者不睡合水出于其陰而

北流注于洛沅曰水經云洛水東過洛陽縣南注云合水南出半石之山北逕合水隄而東北流

注於公潞澗合水北與劉水合水出半石東山合水

又北流注於洛也案其水在今河南洛陽縣東南

鱸魚音騰沅曰此字說文所無見玉篇云狀如鱖居達

厥魚大口大目細鱗有斑彩達蒼文赤尾食者不癩可

以為癩癩癩屬也水中有蟲淮

又東五十里沅曰又東曰少室之山今在河南陽城西

在今河南登封縣西淮南子隆形訓云少室大室在冀

州高誘注曰少室大室在陽城嵩高下之別名戴延之

西征記云東謂大室西謂少室相去十五里嵩山其總

名也見初學記括地志曰嵩高山一名太室山一名外

方山在洛州陽城縣北二百草木成困其上有木焉

其名曰帝休葉狀如楊其枝五衢言樹枝交錯相重五

曰糜萍九衢黃華黑實服者不怒沅曰楊爛少室山少姨廟

碑云驗於山海經黃花不

三

落案此無不落文惟云其下多玉此山巔亦有白玉膏得服之即得仙道世人不能上也

其下多鐵休水出焉而北流注于洛注云洛水直偃師故縣南與緱氏分水又東休水自南流地其水導源少室山西流逕穴山南又西南北屈潛

又東屈零星塢水流潛通重源又側側緱氏原又逕延壽城南緱氏縣治又西轉北屈逕其城西又其中多鯀

北流注于洛水案在今河南偃師縣東南界

魚沉曰即兒魚字亦作鯀此作鯀俗字也狀如鰲雌未詳鰲音俯沉曰鰲字从支从血舊本作

有之今改正而長距足白而對未詳食者不蠱疾可以禦

兵

又東三十里曰泰室之山即中嶽嵩高山也今在陽城縣西沉曰今在河南登封縣

也其上有木焉葉狀如梨而赤理其名曰栢木音郁沉說文所無見玉篇云於六於九二切引此服者不妒有草焉其狀如菜木似

白華黑實澤如蓂莢言子滑澤沉曰蓂當為嬰說文云蓂嬰蓂也玉篇有蓂字非又廣雅

蓂舌也其名曰蓂草服之不昧上多美石次玉者也啟母化為石而

生啟在此山見淮南子

又北三十里曰講山其上多玉多栢多柏有木焉名曰

帝屋葉狀如椒反傷赤實反傷刺下勾也可以禦凶

又北三十里曰嬰梁之山上多蒼玉罽于元石言蒼玉依黑石

而生也或曰罽于樂器名形似椎頭

又東三十里曰浮戲之山

沉曰山當在今河南汜水縣東水經云河水又東逕成臯

縣北注云汜水南出浮戲山世謂之方山元和郡縣志云汜水縣汜水出縣東三十二里浮戲山有木焉葉狀如檮而赤實名曰亢木食之不蠱汜水出焉而

北流注于河

沉曰郡國志云成臯有汜水水經注云汜水南出浮戲之山北流合東關水又北右

合石城水又北合鄭水又北逕虎牢城東又北流合於河案此汜字从戊巳之巳讀如似與定陶汜水異彼讀

泛如其東有谷因名曰蛇谷言此中出蛇上多少辛也

又東四十里曰少陘之山

沉曰山在今河南滎陽縣東南水經注云濟水右受黃水

黃水北至故市縣重泉水出京城西南少陘山新唐書地理志云許州長葛有小陘山太平寰宇記云滎陽縣

嵩瀆山一名小陘山谷名周山在縣南三十五里有草焉名曰商草音剛沉曰剛字說文

所無見

玉篇

葉狀如葵而赤莖白華實如萁食之不愚

益言

人器難之水出焉

或作器沉曰水經注云索水出京城西南嵩瀆山即古旃然水也其水東

北流器難之水注之其水北流逕金亭而北流注于役

又北逕京縣故城西入於旃然之水而北流注于役

水一作侵沉曰水經注云作侵又云器難之水入於旃然之水亦謂之鴻溝水今水經云注侵水疑侵水即

索水亦兼旃然

鴻溝之稱也

有草焉

又東四十里曰太山

別有東小太山今在朱虛縣汶水所出疑此非也有草焉

名曰梨其葉狀如荻荻亦蒿也音狄沉曰此字說文所無當為荻說文云蕭也貨殖傳河

濟之間干畝而赤華可以已疽太水出于其陽沉曰水經注云

承水東北流太水注之水出而東南流注于役水世謂

太山東平地世謂之澧水也

禮

山海經卷五

完

水沅曰水經注云太水東北逕武陵城西東流注承水

出于其陰沅曰水經注云司馬彪云中牟有清口水白

而東逕靖城南與南水合南水出太山西北流至而東

靖城南左注北水即承水也世亦謂之靖澗水

北流注于役世謂之靖澗水沅曰水經注云承水東北

又東北逕伯禽城北屈而南流東注于清口水今案此

經太水承水皆云注于役與水經注不同者案水經注

太水注承水承水注清水清水注渠水渠水又東逕陽

武縣故城南與役水合也今案其城在河南中牟縣界

也

又東二十里曰沫山沅曰山在今河南中牟縣舊本作

之云沫山沫水所出今未水經注引此經云云作沫今从

是水出中牟城西南上多赤金沫水出焉北流注于

役沅曰水經注云役水東逕曹公壘南與沫水合東北

流逕中牟縣故城西又東北注于役水役水又東北

逕中牟澤又案舊本有傳云水

經作沫四字後人附入今去之

又東二十五里曰役山沅曰沫山役山當即今河南上

中牟縣北牟山也見水經注

多白金多鐵役水出焉沅曰水經注云渠水東逕陽武

牟又東役水注之水出宛陵縣西隙候亭

東中平陂世名之泥泉也即古役水矣

北流注于河

沅曰水經注云役水東北流逕宛陵縣故城北又東北

逕中牟澤其水東北流屈注渠渠水又東南而注大梁

也經云北入河今渠

下流則南入淮矣

又東三十五里曰敏山沅曰案此山在大魏山西三十

五里則是今河南鄭州梅山矣

而赤實名曰薊音計沅曰此薊字之壞柏服者不寒人

耐其陽多瑇瑁之玉

又東三十里沅曰此山在曰大騄之山今滎陽密縣有

水所出音歸沅曰說文作大隗山在今河南新鄭縣西

南四十里莊子云黃帝將見大騄于具茨之山陸德明

音義云司馬云在滎陽密縣東今名泰隗山地理志云

密有大騄山水經注云大騄即具茨山也黃帝登具茨

之山升于洪隄上受神芝圖于華蓋童子即是山也元

和郡縣志云密縣大騄山在縣西東南五十里新唐書

云許州陽翟其陰多鐵美玉青堊有草焉其狀如蒼而

有具茨山

毛青華而白實其名曰狼音狼戾沅曰當為狼廣雅云

狼毒也狼字說文所無見玉

篇云狼服之不夭言盡壽也可以為腹病為治也

或作芙

凡若山之首自休與之山至于大騄之山沅曰此經之

山自河南閿

鄉東至河南凡十有九山千一百八十四里其十六神

開封府也

者皆豕身而人面其祠毛牲用一羊羞言以羊嬰用一

藻玉瘞藻玉玉有五彩者也或苦山少室太室皆豕也

曰所以盛玉藻藉也

其祠之太牢之具嬰以吉玉其神狀皆人面而三首其

餘屬皆豕身人面也

沅曰右中次七經古本為第二十一篇

中次八經荆山之首曰景山今在南郡界中沅曰山在

歸徧逕其上土人由其上多金玉其木多杼檀杼音椽

茲改名焉見初學記沉日說文作柔云榭也讀若杼作杼者杼音椽

機杼字今爾雅榭杼及經俱作杼非杼音椽

之疽沉日春秋傳云江漢沮漳字亦作沮水經云沮水

出漢中房陵縣注云沮水出東汶陽郡沮陽縣西北景

山即荆山首也故淮南子云沮出荆山高誘注云荆山

在左馮翊懷德縣斯謬證耳杜預云水出新城郡之西

南發阿山蓋東南流注于江今睢水出新城魏昌縣東

山異名也江縣入江也沉日李善注文選引此作沔江水經云過

枝江縣東南入于江注云謂之沮口也今睢水東北流

至湖北穀城縣東入其中多丹粟多文魚有斑

于沔俗名之南河東北百里曰荆山今在新城縣南沔日山在今湖

禹貢南條荆山在東北荆州記云臨沮西北三十里有

青谿谿北即荆山首日景山即弁和抱璞之處見劉昭

注郡國志水經注云荆山在景山東一百餘里新城縣

鄉縣界括地志云荆山在襄州荆山縣西八十一里見

史記其陰多鐵其陽多赤金其中多犛牛旄牛屬也黑

正義外也音狸一音來沔日犛旄牛正字多豹虎其木多松

而郭云旄牛屬也別音狸不達甚矣柏其草多竹多橘櫟

借為之非本字矣漳水出焉沔日李善注文而東南

流注于睢出荆山至南郡當陽縣入沮水沔日地理志

沔行六百里水經云漳水出臨沮縣東荆山南至枝江

縣北烏扶邑入于江注云地理志云非也今漳水於

獸多閭麋似鹿而大也

又東北百五十里曰驕山沅曰李善注文選云景山之西曰驕山案經云在東北疑

李善注誤其上多玉其下多青贖贖音瓠黝屬沅曰此傳舊本所無今據李善注文選

增入其木多松柏多桃枝鈎端神蠶沅曰此字說文所無見玉篇義與此同

圍處之蠶音蠶魚之蠶其狀如人面羊角虎爪恒遊於睢漳之

淵淵水之府奧也出入有光

又東北百二十里曰女几之山沅曰山在今河南宜陽縣西水經注亦作女机

山云七谷水出女机山東南流注于伊水又云蚤谷水出女机山東流入于伊水隋書地理志云宜陽有女机

山元和郡縣志云福昌縣女机山在縣西南三十四里其上多玉其下多黃金其

獸多豹虎多閭麋麋鹿似獐而大俚毛豹脚音幾其鳥多白鳥喬似

雉而長尾走且鳴音驕多翟多鳩鳩大如鷓鴣紫綠色長頸赤喙食蝮蛇頭雄名運日鳴名陰諧也

又東北二百里曰宜諸之山沅曰山當在今湖北青陽縣境地理志云高成滄山

滄水所出疑卽滄山其上多金玉其下多青贖滄水出焉音詭而南

流注于漳今滄水出南郡東滄山至華容縣入江也沅日說文云滄水出南郡高成東入繇地理志

文同又云繇水南至華容入江過郡二行五百里水經注云漳水又南逕當陽縣又南滄水注之引此經云云

其中多白玉

又東北三百五十里曰綸山音倫其木多梓柟多桃枝多

粗栗橘櫟粗似栗而酢瀼其獸多閭麋麋麋似兔而鹿脚青色音綽沅曰麋字

當為兔見說  
文俗加犬非

又東北二百里曰陸郟之山音如跪  
告之跪其上多瑪琇之玉

其下多璽璽似土白色也璽音惡沉曰舊  
無此傳今據李善注文選增入其木多杻樞

又東百三十里曰光山其上多碧其下多木神計蒙處

之其狀人身而龍首恒遊於漳淵出入必有飄風暴雨

又東百五十里曰岐山其陽多赤金其陰多白珉石似  
玉者

音旻其上多金玉其下多青贖其木多樗神涉蠹處之徒  
河

切一作蠹  
笑遊反其狀人身而方面三足

又東百二十里曰銅山其上多金銀鐵其木多穀柞相

栗橘櫛其獸多豹

又東北一百里曰美山其獸多兕牛多閭麀多豕鹿其

上多金其下多青贖沉曰舊本  
作護非

又東北百里曰大堯之山其木多松柏多梓桑多机其

草多竹其獸多豹虎麀麇

又東北三百里曰靈山其上多金玉其下多青贖其木

多桃李梅杏梅似杏  
而酢也

又東北七十里曰龍山上多寓木寄生也一名  
宛童見爾雅其上多

碧其下多赤錫其草多桃枝鈎端

又東南五十里曰衡山上多寓木穀柞多黃堊白堊

又東南七十里曰石山其上多金其下多青贖多寓木

又南百二十里曰若山其上多璵璠之玉多赭赤多邽

石未詳沉日疑卽封石也正字當爲珎說文云珎石之次玉者以爲系璧經亦多爲封珎封形相近多

寓木多柘若或作前

又東南一百二十里曰焜山多美石多柘

又東南一百五十里曰玉山其上多金玉其下多碧鐵

其木多柏一作檜

又東南七十里曰謹山其上多檀多邽石沉日疑卽珎石多白

錫今白也郁水出于其上潛于其下其中多砥礪

又東北百五十里曰仁舉之山其木多穀柞其陽多赤

金其陰多赭

又東五十里曰師每之山其陽多砥礪沉日當爲厲其陰多

青贖沉日舊本作贖非其木多柏多檀多柘其草多竹

又東南二百里曰琴鼓之山其木多穀柞椒柘椒爲樹小而叢

生下有草木則蠹死其上多白珉其下多洗石其獸多豕鹿多白

犀其鳥多鳩

凡荆山之首自景山至琴鼓之山沉日此經之山自湖北襄陽府至河南府

其後十餘山 凡二十三山二千八百九十里其神狀皆

多不詳也 鳥身而人面其祠用一雄雞祈瘞禱請己用一藻圭糈

用稌驕山冢也其祠用羞酒少牢祈瘞嬰毛一璧

沉曰右中次八經古本為第二十一篇

中次九經岷山之首日女几之山沉曰山在今四川雙

云日回于女紀是謂大遷隋書地理志云其木多石涅

其木多杻櫃其草多菊沉曰菊是大菊瞿麥郭注荒洛

水出焉沉曰地理志云廣漢雒音山雒水所出南至新

漳山亦言出梓潼縣柏山山海經三危山在敦煌南與

嶠山接山南帶黑水又山海經不言洛水所道經曰出

三危山所未詳案水經注此說泥敦煌之三危又不考

有三危洛水所經非敦煌之山也故鄭注尚書亦云與

岷山相連也洛水今出四川什邡縣西北章山亦曰雒

通山東南流逕縣南俗名鴨子河又案左思蜀都賦云

蓋謬甚矣經凡有洛水一出於山今自甘肅安化

至陝西同州入河之洛雍州浸也一出謹舉山今自陝

西商州至河南入河之洛豫州浸也一出謹舉山今自陝

入江李冰東注于江其中多雄黃雄黃亦其獸多虎豹

又東北三百里曰岷山沉曰山在今四川茂州東南說

蜀前西徽外水經注云岷山即積山也又謂之汶阜山

在徽外案今俗以岷山為在四川松潘衛邊外者非山

海經言岷山云首日女几山又去女几山三百里女几

山即隋志所言雙流縣女伎山今茂州在雙流之北故

知當是此岷山也漢人所言徼外亦江水出焉岷山在汶山

止茂州不得甚遠地理家俱誤會之

郡廣陽縣西東北流注于海至廣陽入海其中多良龜善良多

大似鱗彩皮大者長二丈其上多金玉其下多白珉其木

多海棠其獸多犀象多夔牛今蜀山中有大牛重數千斤名為夔牛晉太興元年

此牛出上庸郡人弩射殺之得三十八擔肉即爾雅所謂魏沉曰今本爾雅注引此經文作獲非傳云即爾雅

雅亦加牛非其鳥多翰鷲赤鷲

又東北沅曰山在岷山西一百四十里曰來山沅曰舊

俗字山在今雅州榮經縣西地理志云嚴道邛來山邛

水所出華陽國志云雅州邛邛邰山本名邛笮山水經注云岷山邛來山在縣西五十里

元和郡縣志云榮經縣邛來山在縣西五十里江水

出焉邛來山今在漢嘉嚴道縣南江水所自出也山有九折阪出猶猶似熊而黑白駁亦食銅鐵也沅曰

傳云南江水所出也李善注文選引作中江非海內東

經云南江出高山高山在成都西入海在長洲南地理

志云邛邛來山邛水所出東入青衣水經注云邛水東至

蜀郡臨邛縣東入青衣水案郭云邛來山南江水所自

出是郭以邛水為南江水邛水即今東流注于大江沅

榮經縣北至雅州合青衣水者也

水經云青衣水至犍為南安縣入於江案今邛水自合

青衣水東南流又與若水會至犍為縣北入于大江者

也其陽多黃金其陰多麋麋其木多檀柘其草多籛沅

舊本作葑多葑即葑沅曰此字說空奪即蛇皮

又東一百五十里曰岷山音居沅曰岷字說文所無見

曼蒙音相近疑是也沫水經此或即郭所云北江與水  
經云沫水出廣柔徼外東南過旄牛縣北又東至越巂  
靈道縣出蒙山南東北與青  
衣水合又東入于江是也  
東流注于大江其中多怪

蛇今永昌郡有鈞蛇長數丈尾岐在水中鈞取多鰲魚  
岸上人牛馬啖之又呼馬絆蛇謂此類也  
音贊未聞沉曰此字  
說文所無見玉篇  
其木多櫓杻猶剛木也中多梅梓

其獸多夔牛麤奠沉曰當犀兕有鳥焉狀如鴉而赤身  
白首其名曰竊脂今呼小青雀曲觜肉食者為竊可以  
禦火

又東三百里曰高粱之山沉曰山在今四川劍州北太  
亦曰梁山山海經高粱之其上多堊其下多砥礪其木  
山西接岷嶓東引荆衡

多桃枝鈎端有草焉狀如葵而赤華莢實白柎可以走  
馬

又東四百里曰蛇山其上多黃金其下多堊其木多栒  
沉曰即櫛多豫樟其草多嘉榮少辛有獸焉其狀如狐  
字省文

而白尾長耳名狔狼音已沉曰音已舊本譌作音巴狔  
字說文所無見玉篇云時爾切義  
同見則國有兵一作國有亂沉曰兵  
此與狼為韻作亂者非

又東五百里曰鬲山其陽多金其陰多白珉蒲鸚音薨  
說文玉篇  
俱無此字  
之水出焉而東流注于江其中多白玉其獸

多犀象熊羆多蝮沉曰舊本蝮蝮似獼猴鼻露上向尾  
作蝮非  
四五尺頭有岐蒼黃色

雨則自縣樹以尾塞  
鼻孔或以兩指塞之

又東北三百里曰隅陽之山其上多金玉其下多青雘  
其木多梓桑其草多苳徐之水出焉東流注於江其中  
多丹粟

又東二百五十里曰岐山

今在扶風美陽縣西沅曰郭  
說非也山當在四川俗失其

名其上多白金其下多鐵其木多梅梓梅或作蔽多柎櫓滅

水出焉

沅曰疑卽黠水也說文又作黔滅黠音皆相  
近地理志云榘爲苻黠水南至營入江水經注

云關駟謂  
之關水東南流注于江

又東三百里曰勾欄之山

音絡榘  
之榘

其上多玉其下多黃

金其木多櫟柘其草多芍藥

又東一百五十里曰風雨之山其上多白金其下多石

涅其木多椶櫚

椶木未詳也櫚木白理中櫛駟  
善二音沅曰說文云椶木薪也

多楊宣

余之水出焉東流注于江其中多蛇其獸多閭麋多麀

豹虎其鳥多白鷓

又東北二百里曰玉山其陽多銅其陰多赤金其木多

豫樟檟柎其獸多豕鹿麋

沅曰當  
爲飽

其鳥多鳩

又東一百五十里曰熊山有穴焉熊之穴恒出神人夏

啟而冬閉是穴也冬啟乃必有兵

今鄴西北有鼓山下  
有石鼓象縣著山旁

鳴則有軍事與此  
穴殊象而同應  
其上多白玉其下多白金其木多檟  
柳其草多寇脫

又東一百四十里曰驪山其陽多美玉赤金其陰多鐵  
其木多桃枝荆芭  
沉曰此即葩字省文戴凱之竹譜有芭竹注云筍味落人鬢髮玉篇云芭竹有刺廣韻云芭竹名出蜀古字少此蓋借葩省字為之

又東二百里曰葛山其上多赤金其下多城石  
也音緘沉曰城當為玲說文云玲瑩石之次玉者玉篇云玲同城史記子虛賦有城功亦作城咸今音相似之譌  
其木多粗栗橘櫟  
沉曰當為櫟  
櫟其獸多麋象  
沉曰當為象  
其草多嘉榮

又東一百七十里曰賈超之山其陽多黃堊其陰多美

赭其木多粗栗橘櫟  
沉曰當為櫟  
其中多龍脩  
龍須也似莞而細生山石

穴中莖倒垂可以為席沉曰脩須音相近

凡岷山之首自女几山至于賈超之山凡十六山  
沉曰此經

之山自四川成都府東至忠州也  
三千五百里其神狀皆馬身而龍首

其祠毛用一雄雞瘞精用稌文山勾欄風雨驪之山是  
皆冢也其祠之羞酒  
先進酒以醑神  
少牢具嬰毛一吉玉熊山

席也  
席者神之所馮止也  
其祠羞酒太牢具嬰毛一璧千儻  
沉曰當為

舞  
用兵以禳  
禳被除之祭名舞者持盾武舞也  
祈  
沉曰當為劄當與  
璆

冕舞祈求福祥也祭用玉舞者冕服也美玉曰璆已求反

沅曰右中次九經古本為第二十二篇

中次十經之首曰首陽之山其上多金玉無草木

又西五十里曰虎尾之山其木多椒楮多封石其陽多赤金其陰多鐵

又西南五十里曰繁纘音潰之山其木多櫟柎其草多枝

勾今山中  
有此草

又西南二十里曰勇石之山無草木多白金多水

又西二十里曰復州之山其木多檀其陽多黃金有鳥

焉其狀如鴉而一足彘尾其名曰跂踵見則其國大疫

銘曰跂踵為鳥一足似夔不為樂與反以  
來悲沅曰此亦與今所傳圖讚文不同

又西三十里曰楮山多寓木多椒楮多柘多堊一作洛  
州之山

又西二十里曰又原之山其陽多青曠其陰多鐵其鳥

多鸛鵒鸛鵒也傳曰鸛  
鵒來巢音懼

又西五十里曰涿山沅曰疑即蜀山涿蜀古字通太平  
寰宇記云南陽縣蜀山在縣西三

十里其木多穀柞柎其陽多璆琇之玉

又西七十里曰丙山其木多梓檀多欃柎欃義所  
未詳

凡首陽山之首自首山至于丙山沅曰此經之山  
經傳不著也凡九

山二百六十七里其神狀皆龍身而人面其祠之毛用

一雄雞瘞糈沅曰當用五種之糈沅曰此字是當从米與上糈字別說文云

也精糧堵山冢也其祠之少牢具羞酒祠嬰毛一璧瘞醜

山帝也其祠羞酒太牢其合巫祝二人儻嬰一璧

沅曰右中次十經古本為第二十四篇

中次一十一山經荆山之首日翼望之山沅曰山在今河南內鄉縣

水經注云湍水出宏農界翼望山元和郡縣志云臨湍縣翼望山在縣西北二十里案臨湍治在今浙川西北

則山當在內鄉也內鄉與盧氏接界故水經注云在宏農界湍水出焉鹿搏反沅曰

出酈縣北芬山注云湍水出宏農界翼望山案今水出內鄉縣西北俗云出熊耳山非也東流注于

濟今湍水逕南陽穰縣而入清水沅曰舊本譌作濟李善注文選引此作湍今从之傳云入清水舊本作入

清水亦非也水經云湍水又南過冠軍縣東又東過白牛邑南又東南至新野縣東入於清今水在河南新野

縣西入清說文云入沔水出焉音況沅曰未詳沔水何

沔者蓋合清而入沔東流注于漢其中多蛟似蛇而四腳小頭細頸有白瘦大者十數圍卵

即是一二石其上多松柏其下多漆梓其陽多赤金其陰

多珉

又東北一百五十里曰朝歌之山沅曰山在今泌陽縣西北俗稱十八盤山

水經云無水出無陰縣西北扶予山注云山海經曰朝歌之山經書扶予者其山之異名乎案今河南泌陽漢

地無陰無水出焉無水今在南陽舞陽縣音武沅曰說文云無水出南陽無陰東北入潁水經云

東過定潁縣北東人於汝案東南流注于滎注云滎水

上承堵水東流左與西遼水合又東東遼水注之俱導

北山而南流注于滎滎水又東北於濼陰縣北左會濼

水案當在泌陽縣界說文云入潁水經云其中多人魚

其上多梓柟其獸多麇麋有草焉名曰莽草可以毒魚

今用之殺魚又東南二百里曰帝囷之山去倫反沅曰其陽多璵璠

之玉其陰多鐵帝囷之水出于其上潛于其下多鳴虵

又東南五十里曰視山其上多韭有井焉名曰天井夏

有水冬竭其上多桑多美堊金玉

又東南二百里曰前山其木多楮似柞子可食冬夏生

作儲沅曰此字說文所無見司馬相如多柏其陽多金

其陰多赭賦漢書音義云楮似樵葉冬不落也

又東南三百里曰豐山沅曰山在今河南南陽府治東

在縣南三十二里有獸焉其狀如蝮赤目赤喙黃身名

曰雍和見則其國有大恐神耕父處之沅曰李善注文

也常遊清泠之淵沅曰呂氏春秋云舜友北人無擇投

莊子作清泠薛綜東都賦注云清泠水在南出入有光

陽西鄂山上案蒼領青令清泠音皆同也

清泠水在西鄂縣山上神來時水赤有光耀今有屋祠

也沅曰陸德明莊子音義引此云在江南一云在南陽

郡西鄂山下舊本有脫字見則其國為敗有九鐘焉是  
鄂又誤作號郊二字非霜降則鍾鳴故言之也物其上多金其下多穀  
知霜鳴有自然感應而不可為也

柞榘榘  
又東北八百里曰兔牀之山其陽多鐵其木多諸莢其

草多雞穀其本如雞卵其味酸甘食者利于人

又東六十里曰皮山多堊多赭其木多松柏

又東六十里曰瑤碧之山其木多梓柟其陰多青曠其

陽多白金有鳥焉其狀如雉恒食蜚名曰鳩蜚負盤也音翫此更

蛇之鳩也種鳥非食

又東四十里曰支沅曰李善注文非離之山沅曰山在今河南嵩縣疑

即雙雞嶺水經云清水出宏農盧氏縣攻離山注云

縣故城南在攻離山東南案清水舊本經傳俱作濟水

今據水經清水出焉沅曰說文云清水出宏農盧氏山

注改正雲南陽酈清水出西北南入漢郡國志作清水云熊耳

山出案其水出今河南嵩縣雙雞嶺俗名白河原東南

流至南陽南流注于漢今清水出酈縣西北山中南入

府東也南過酈縣東入於沔說文云入沔沔有鳥焉其名曰

嬰勺其狀如鵲赤目赤喙白身其尾若勺似酒勺形其鳥自

呼多牝牛多羴羊沅曰當為麋羊

又東北五十里曰族箇之山音彫沅曰族舊本作秩非案廣韻引此作族箇之山

是簡有郭音 其上多松柏机桓 柏葉似柳皮黃不措子如棟著酒中飲之辟惡

氣浣衣去垢核堅正黑可以間香纓一名括樓也沉日桓舊本作柏今据廣韻改正

又西北一百里曰董理之山其上多松柏多美梓其陰

多丹雘多金其獸多豹虎有鳥焉其狀如鵲青身白喙

白日白尾名曰青耕可以禦疫其鳴自叫

又東南三十里曰依軻之山 音枯 其木多柎檀多苴 音未詳

沉日疑檀 有獸焉其狀如犬虎爪有甲其名曰獐 音鱗

甲音 善馱 馱音跳躍自撲也馱奮兩音沉日舊作非

客 蘇林曰全音馬叱全之全是此義 食者不風 不畏天風

又東南三十五里曰卽谷之山多美玉多元豹 黑豹也卽今荆

州山中出 多閻麋多麀奩 沉日當 其陽多珉其陰多青

又東南四十里曰雞山其上多美梓多桑其草多韭

又東南五十里曰高前之山 沉日山在今河南內鄉縣

呂氏春秋木味篇云伊尹

曰水之美者高泉之山其上有涌泉焉案泉前音同也

太平寰宇記云內鄉縣高前山今名天池山引此云云

在翼望山 其上有水焉甚寒而清 或作 帝臺之漿也 河

東五十里 東解縣南檀道山上有水泉出停而不流俗名爲盎漿 卽此類也沉日舊本傳文道作首泉作潛停而不流脫

而字今据太平寰宇記改正 飲之者不心痛其上有金其下有赭

又東南三十里曰游戲之山多柎榘穀多玉多封石

又東南三十五里曰從山其上多松柏其下多竹從水

出于其上潛于其下其中多三足鼈枝尾三足鼈名能見爾雅食

之無蠱疫

又東南三十里曰嬰磈之山音真其上多松柏其下多梓

標

又東南三十里曰畢山沅曰山疑卽旱山字相近在河南泌陽水經注有比水出濼陰

縣旱山東帝苑之水出焉沅曰疑卽水經注之比東北

流注于視其中多水玉多蛟其上多璵璠之玉沅曰璵璠之璠

當爲

又東南二十里曰樂馬之山有獸焉其狀如彘沅曰字當爲彘

赤如丹火其名曰猴音戾沅曰疑卽戾字之見則其國

大疫

又東南二十五里曰歲山沅曰山在今河南泌陽縣東水經云瀨水出濼陰縣東土

界山山海經出歲山許慎云視水出焉或曰視宜爲瀨

出中陽山皆山之殊目也也沅曰郭說是也地理志云南陽舞陽中陽山水經云瀨水出濼

出說文云瀨水出南陽舞陽中陽山水經云瀨水出濼東南流注于汝水沅曰地理志說文

陰東上界山水在東南流注于汝水沅曰地理志說文

顛字之假音  
前經作顛非

又東四十里曰嬰山其下多青贖沅曰舊本作護非其上多金玉

玉

又東三十里曰虎首之山多苴桐楮桐未詳也音彫沅曰桐字說文云木也

又東二十里曰嬰侯之山其上多封石其下多赤錫

又東五十里曰大孰之山沅曰案水經注山亦當在今河南泌陽縣界殺水

出焉東北流注于視水沅曰水經注云視水出葭山東與此水合又東北殺水出西南

大孰之山東北流於瀨其中多白堊

又東四十里曰卑山其上多桃李苴梓多纍今虎豆狸豆之屬纍

一名滕音耒

又東三十里曰倚帝之山沅曰山在今河南鎮平縣西北新唐書吳筠傳云筠居南

陽倚帝山太平寰宇記云南陽縣廢菊潭縣西北一十五里騎立山銅礦在縣東一百八十里山有湫水三

池案騎倚聲相近其上多玉其下多金有獸焉其狀如

立則帝字之壤也

鼯鼠爾雅說鼠有十三種中有此鼠形所未詳也音狗吹之吹沅曰爾雅鼯鼠舍人云其鳴如犬也見釋

文則鼯或當為吹中山經有鼯鼠疑亦吹字之譌也玉篇又云鼯同鼯白耳白喙名曰狙如也音即狙反沅曰即獲夔音相近見則其國有大兵

又東三十里曰鯢山音鯢水出于其上沅曰經云在倚帝山東三十里



陰指謂此山在雒縣界故世謂之雒衡山太平寰宇記云南陽縣廢向城縣雒衡山荆州記衡山有石室甚整方城縣衡山即桐柏之連岡也其上也青腹多桑其鳥多鸛鶴

又東四十里曰豐山

沅曰即漢西鄂縣之豐山已見前太平寰宇記云南陽縣廢向城縣

本漢西鄂縣地有豐山雒衡山

其上多封石其木多桑多羊桃狀如桃

而方莖

一名鬼桃

可以為皮張

治皮腫起沅曰張讀如張如廁

又東七十里曰嫗山其上多美玉其下多金其草多雞

穀

又東三十里曰鮮山其木多櫛杻苴其草多薺

沅曰當為薺

冬其陽多金其陰多鐵有獸焉其狀如膜犬赤喙赤目

白尾見則其邑有火名曰移即

音移沅曰移字說文所無見玉篇

又東三十里曰臯山

或作章山沅曰舊本經文作章山傳云或作童山今据水經注改正

案水經注山當其陽多金其陰多美石臯水出焉東流

注于澧水

沅曰水經注云鄖縣醴水東流注唐山下又東南與臯水合水發臯山東流注于醴水醴

水又東南逕唐城北南入城而西

其中多臈石

未聞魚臈反

又東二十五里曰大支之山其陽多金其木多穀柞無

草木

又東五十里曰區吳之山其木多苴

又東五十里曰聲匈之山其木多穀多玉上多封石

又東五十里曰大騄之山上已有此山疑同名沅曰疑即張衡南都賦所謂天封太

胡大胡大騄聲相近李善云南郡圖經曰大胡山故縣縣南十里其陽多赤金其陰多

砥石

又東十里曰踵曰之山無草木

又東北七十里歷或作磨石之山其木多荆芭其陽多黃

金其陰多砥石有獸焉其狀如狸而白首虎爪名曰梁

渠見則其國有大兵

又東南一百里曰求山求水出于其上潛于其下中有

美楛其木多苴多楛篠屬沅曰當為媚廣志又作箬云

竹譜曰箬竹江漢間謂之竿箬一尺餘葉大如履可以衣篷其陽多金其陰多鐵

又東二百里曰丑陽之山其上多桐楛有鳥焉其狀如

鳥而赤足名曰馱餘音如枳柑之枳沅曰二可以禦火

又東三百里曰奧山沅曰案水經注山當其上多柏桤

檀其陽多璵琤之玉奧水出焉東流注于視水沅曰水

無陰縣淪水東南流注觀水觀水又東得奧水口水出西奧山東入於觀水也

又東三十五里曰服山其木多苴其上多封石其下多

赤錫

又東三百里曰杏山其上多嘉榮草多金玉

又東三百五十里曰凡山其木多檜檀柎其草多香有

獸焉其狀如彘黃身白頭白尾名曰聞麟音鄰沉曰說文無此字見

玉篇也見則天下大風麟一作鄰音饒沉曰廣韻又作鄰即鄰字異文

凡荆山之首自翼望之山至于凡山沉曰此經之山在可南陝州南陽府

也凡四十八山三千七百三十二里其神狀皆彘身人

首其祠毛用一雄雞祈沉曰當為畿瘞用一珪糝沉曰當為禱用

五種之精備五穀之美者禾山沉曰疑即上求山字誤也帝也其祠太牢之

具羞瘞倒毛薦羞反倒牲埋之也沉曰倒當為到古不從人用一璧牛無常堵

山玉山冢也皆倒祠沉曰倒祠未詳羞毛少牢嬰毛吉玉

沉曰右中次十一經古本為第二十五篇

中次十二經洞庭山之首曰篇或作肩遇之山無草木多

黃金

又東南五十里曰雲山無草木有桂竹甚毒傷人必死

今始興郡桂陽縣出筴竹大者圍二尺長四丈又交阯有筴竹實中勁強有毒銳以刺虎中之則死此亦類也

其上多黃金其下多璆琇之玉沉曰初學記梅第十引此有云雲山之上其實

乾腊郭璞注曰腊乾梅也今經無此語他卷亦無雲山因附于此

又東南一百三十里曰龜山其木多穀柞桐楮其上多

黃金其下多青雄黃多扶竹

邛竹也高節實中中枝也名之扶老竹

又東七十里曰丙山多篁竹

沉曰亦當為桂

多黃金銅鐵無木

又東南五十里曰風伯之山其上多金玉其下多瘞石

文石

未詳瘞石之義

多鐵其木多柳柎檀楮其東有林焉名曰

莽浮之林多美木鳥獸

又東一百五十里曰夫夫之山其上多黃金其下多青

雄黃其木多桑楮其草多竹雞鼓

沉曰即上雞鼓草穀鼓聲相近

神于

兒居之其狀人身而身操兩蛇常遊於江淵出入有光

又東南一百二十里曰洞庭之山

今長沙巴陵縣西又有洞庭陂潛伏通江

離騷曰適吾道兮洞庭洞庭波兮木葉下皆謂此也字

或作銅宜從水沉曰山在今湖南巴陵洞庭湖中即君

也其上多黃金其下多銀鐵其木多相黎橘櫟沉曰字當為柚

其草多薺蘘蕪芍藥芎藭

蘘蕪似蛇牀而香也

帝之二女居之

之二女而處江為神即列仙傳江妃二女也離騷九歌

所謂湘夫人稱帝子者是也而何圖玉版曰湘夫人者

帝堯女也秦始皇浮江至湘山逢大風而葬此列女傳曰

何神博士曰聞之堯二女舜妃也死而葬亦以舜妃為

二女死於江湘之間俗謂為湘君鄭司農亦以舜妃為

湘君說者皆以舜陟方而死二妃從之俱溺死於湘江

遂號為湘夫人案九歌湘君湘夫人自是二神江湘之

有夫人猶河洛之有虞妃也此之為靈與天地並矣安

得謂之堯女且既謂之堯女安得復總云湘君哉何以

考之禮記曰舜葬蒼梧二妃不從明二妃生不從征死

不從葬義可知矣即令從之二女靈達鑒通無方尚能

以鳥工龍裳救井廩之難豈當不能自免於風波而有

雙淪之患乎假復如此傳曰生為上公死為貴神禮五  
 嶽比三公四瀆比諸侯今湘川不及四瀆無秩於命祀  
 而二女帝者之后配靈神祇無緣當復下降小水而為  
 夫人也參互其義義既混錯綜其理理無可據斯不  
 然矣原其致謬之由由乎俱以帝女為名實相亂莫  
 矯其失習非勝是終古不悟可悲矣沅曰郭云二如死  
 不從征非也鄭注禮記云舜死于蒼梧二如留江湘之  
 間張衡思元賦云哀二如之未從翮續處此湘濱是二  
 如不從葬而是常遊於江淵沅曰張衡思元賦湘濱是二  
 實從征也是常遊於江淵沅曰張衡思元賦湘濱是二  
 風故且蘭沅水東南至益陽入江水經云澧水東至長  
 沙下雋縣西北東入江沅水東至長沙下雋縣西北入  
 於江注云澧水流於洞庭湖俗謂之澧江口沅水下注  
 洞庭湖方交瀟湘之淵此言二女遊戲江之淵府則能  
 會於江交瀟湘之淵鼓三江令風波之氣其相交通  
 言其靈響之意也江湘沅水皆其會巴陵頭故號為三  
 江之口澧又去之七八十里而入江焉淮南子曰弋釣

瀟湘今所在未詳也瀟音消沅曰瀟舊本作瀟非瀟湘  
 一水名猶云清湘說文云瀟水清深也湘中記曰湘川清照五  
 過羅縣西注云瀟者水清深也湘中記曰湘川清照五  
 六丈是納瀟湘之名矣案玉篇云瀟水名徐鉉說文新  
 附亦有之今有湘水又有是在九江之間地理志九江  
 瀟水俱在長沙蓋誤甚矣是在九江之間今在潯陽南  
 江自潯陽而分為九皆東會於大江書曰九江孔出入  
 般是也沅曰間初學記引此作門以江門儷地道出入  
 必以飄風暴雨是多怪神狀如人而載蛇左右手操蛇

多怪鳥

又東南一百八十里曰暴山其木多椶柎荆芭竹箭籊  
 籊籊亦篠類中其上多黃金玉其下多文石鐵其獸多

麋鹿麇就就雕也  
見爾雅

又東南二百里曰卽公之山

沅曰史記集解云姚氏引經作卽山其上多

黃金其下多璵琇之玉其木多柳柎檀桑有獸焉其狀

如龜而白身赤首名曰蜺

音詭沅曰史記司馬相如賦蜺胡穀蜺徐廣曰蜺音詭索

隱曰郭璞曰蜺未聞沅曰此蜺字說文云蟹也疑是為字之假音然案經說如龜白身云云形又不合

可以禦火

又東南一百五十九里曰堯山其陰多黃堊其陽多黃

金其木多荆芭柳檀其草多藎蕒

又東南一百里曰江浮之山其上多銀砥礪

沅曰當無為厲

草木其獸多豕鹿

又東南二百里曰真陵之山其上多黃金其下多玉其

木多穀柞柳柎其草多榮草

又東南一百二十里曰陽帝之山

沅曰呂氏春秋有楊楛之薑疑業字與帝

字相似卽此

多美銅其木多樞柎檠楮

檠山桑也其獸多麇麇

又南九十里曰柴桑之山

今在潯陽柴桑縣南共廬山相連也其上多銀

其下多碧多冷

沅曰舊本作冷非

石赭其木多柳芭楮桑其獸

多麋鹿多白蛇飛蛇

卽騰蛇乘霧而飛者

又東二百三十里曰榮余之山其上多銅其下多銀其

木多柳芭其蟲多怪蛇怪蟲

凡洞庭山之首自篇遇之山至于榮余之山沉曰此經之山在湖南境今多不詳也

凡十五山二千八百里其神狀皆鳥身而龍首其祠毛用一雄雞一牝豚剗亦割刺之名精用稌沉曰當為禱

凡夫夫之山即公之山堯山陽帝之山皆豕也其祠皆肆瘞肆陳之也陳牲玉而後瘞藏之祈用酒毛用少牢嬰毛一吉玉洞

庭榮余山神也其祠皆肆瘞肆竟然後依前瘞之也祈酒太牢祠

嬰用圭璧十五五采沉曰舊本作彩非惠之惠猶飾也方言也

右中經之山志大凡百九十七山二萬一千三百七

十一里大凡天下名山沉曰高誘注淮南子云名山大山也五千三百

七十居地大凡六萬四千五百六里

禹曰天下名山經五千三百七十山六萬四千五百六

里沉曰劉昭注郡國志作天下名山五千三百五十經六萬四千五百六里管子云凡天下名山五千二百

七十莊子云禹之涇洪水決江河而通四夷九州也名山三百支山三千小者無數居地也言其

五臧沉曰古藏字只作臧見漢書蓋其餘小者甚眾不足記云天地

之東西二萬八千里南北二萬六千里沉曰此禹所治也管子地數篇

淮南子隆形訓俱與此文同廣雅及藝文類聚引河圖括地象言禹所治海內地劉昭注郡國志言四海之內

里數亦同廣雅又云天圍闢南北二億三萬三千五百七十五步東西短減四步周六億十萬七百里二十五

每經五

三

步從地自天一億一萬六千七百八十七里下度地之  
 厚與天高等又云神農度海內東西九十萬里南北八  
 十一萬里帝堯所治九州地二千四百三十萬八千二  
 百四頃其墾者九百一十萬八千二十四頃論衡云周  
 時九州東西五千五百里南北亦五千五百里又案劉昭注郡國  
 志文同廣雅其稱神農地南北八十五萬里一作五堯  
 者千四百三十萬八千二十四頃在定墾者九百二十萬八千二  
 四頃下疑今出水之山八千里沅曰管子及劉昭注郡  
 本廣雅脫之里受水者八千里沅曰管子文同呂氏春秋云水道八  
 六百陸注三千小水萬數淮南子隆形訓亦云出銅之  
 水道八千里通谷其名川六百陸徑三千里  
 山四百六十七出鐵之山三千六百九十沅曰管子云  
 出銅之山四百六十七出鐵之山三千六百有九劉昭注郡國志云  
 出銅之山四百六十七出鐵之山三千六百九則此經

九十當為九也十美字

此天地之所分壤樹穀也戈矛之所發也刀鍛之所  
 起也能者有餘拙者不足劉昭注郡國志云儉封於  
 則有餘奢則不足

太山禪於梁父七十二家沅曰自此天地之所分壤  
 樹穀也已下當是周秦人

釋語舊本亂入經文今別行亞字案史記封禪書管  
 仲說封泰山七十二家記者十有二自無懷氏至湯  
 周武王証知得失之數皆在此內是謂國用管子地  
 此非禹言也禪之王十  
 二家也

右五臧山經五篇大凡一萬五千五百三字

其正則山巒正歸大凡一萬正千正百三

其正則山巒正歸大凡一萬正千正百三

其正則山巒正歸大凡一萬正千正百三

其正則山巒正歸大凡一萬正千正百三

山海經第五終

總校姚

煇分校

沈琮寶校

